




永平府志



永平府志卷之十七

萊陽宋琬撰次

宜興路

遴參校

廣寧常文魁續補

武勲

自古將帥之材有三曰世胄曰武科曰卒伍是不一途而其宣力疆圉為 國家干城則一也以觀永平當永樂宣德之間以功封侯伯者五人並皆勲在盟府澤流後嗣豈不盛哉洎乎中代而七萃之良百夫之禦熊羆之士不二之臣猶且輩出固風氣沉雄人性樸茂之所致也故序徹侯而以世胄科名附焉聽



鼓鼙而思將帥覽圖畫而念股肱必此其選矣

明郭亮合肥人父聚開國功陞流百戶亮嗣官征●功歷陞永平指揮從靖難與都督耿獻戰又與都督楊文戰皆有功當是時靖難兵南下亮獨守永平與北平爲聲援建文四年封成安流侯世伯食祿千二百石出守開平築烽墩永樂二十一年卒贈興國公謚忠壯

趙彝虹人洪武初虎賁百戶調燕山右衛從潁國公征沙漠城宣府萬全懷來歷陞永平衛指揮僉事靖難兵至永平彝以城降從徐忠等轉戰有功陞北平都指揮使文皇仁宗召還卒

卽位封忻城伯食祿一千石與世券永樂十三年鎮徐州吳成本名買驢遼陽人父通伯元遼陽省右丞洪武中隨觀童來降買驢充總旗出塞征胡功陞永平衛百戶從靖難功真定大寧鄭村壩功陞指揮僉事廣昌白溝館陶功丹陞指揮使夾河藁城西水寨功陞都指揮僉事戰淝河小河齊眉山靈壁先登渡淮克揚州入金川門丹陞都指揮使永樂八年從上出塞征●功陞都督僉事已而三出塞斬獲多洪熙元年陞左都督是年大松嶺破●封清平

伯食祿千一百石與世券宣德初從擒漢庶人三年出喜  
峯塞敗鹵寬河斬獲進封侯祿如故八年卒贈渠國公謚  
壯勇

費瓛定遠人祖遇洪武中爲燕府左相已革府相改護衛  
指揮使父肅嗣官肅卒瓛嗣官事成祖靖難功累官都指  
揮同知鎮守山海關永樂五年召僉事後府六年充副總  
兵備倭海上七年征湖廣叛寇八年充總兵鎮寧夏甘肅  
討平亦令真已十年又出甘肅防禦仁宗卽位充平羗將  
軍鎮甘肅尋陞右軍都督宣德元年入朝上念瓛舊臣累

著功名封崇信伯食祿千一百石與世券復出鎮瓛和易  
善撫循士卒守邊二十年塞境寧靜征漢庶人嘗爲先鋒  
將佐薛祿有功

劉江山海衛總旗驍勇有謀畧洪武末年從靖難累建殊  
勲陞中軍都督府左都督永樂中鎮守遼東剿殺倭寇有  
功進爵廣寧伯卒贈廣寧侯

蕭陞撫寧衛僉事累陞馬蘭峪叅將嘉靖癸巳大同內變  
結連北鹵兵部推陞以副將協守大同陞至兵事戒嚴內  
外不通陞詣督撫獻擣巢計以賊全部在內巢穴必虛督

撫任之賊遂瓦解陞前軍都督僉事鎮守薊州卒賜祭葬  
劉淵山海衛僉事剛之孫剛視山海篆有名淵自三河黃  
花鎮守備入坐顯武營歷延綏游擊宣府叅軍遷協守副  
總兵陞後軍都督僉事掛鎮朔將軍印改鎮薊州有名調  
提督西官廳聽征總兵官贈剛及父鎮官

祝雄廣寧前屯衛僉事調山海衛擢京營聽征叅將老營  
游擊偏頭關副總兵陞後軍都督府僉事掛征西前將軍  
印鎮守大同改鎮薊州代淵善養士而樂爲用鹵入塞率  
子男爲士卒先子少郤立斬以殉鹵望旗幟卽遁在鎮三

年鹵馬不敢南牧名聞書于御屏廉靜自持奉客無兼味  
行邊布袍氈帽如行伍卒于官私囊僅足以斂薊爲立祠  
三人並起列授爲方鎮而皆屬衛職又相繼鎮薊前志稱  
之

周建撫寧衛指揮僉事成化十六年管界嶺駐操營事三  
月鹵入寇叅將王宣督令截殺至白石店奪回被鹵人畜  
回至椴木嶺伏賊突出前賊復回夾攻戰死事聞詔加實  
授指揮同知

武勳

趙勝遷安人宣德中世官景泰元年累功陞都指揮  
 僉事天順五年討曹賊功陞都督同知已而充叅將  
 出固原捕口有功成化四年陞都督充總兵官鎮遼  
 東七年捕斬朶顏有功召還十二年脩京城加太子  
 太保三屯營總兵十九年封昌寧流伯食祿千石又  
 明年加太保卒贈侯謚壯敏子先卒弘治元年孫鑑  
 乞嗣伯吏部言昌寧初封流伯鑑嗣世指揮使銓錦  
 衣

馬永字天錫遷安人世金吾左衛指揮使父榮鎮番

叅將永讀左氏春秋及兵法襲父官城警善騎射  
 德六年流賊起督戰功陞都指揮同知江彬統宣府  
 兵練西內永以千總穎彬稱疾不起彬強起稱病篤  
 以故得脫彬禍十年守備遵化明年口入馬蘭峪塞  
 殺叅將陳乾以永為叅將守太平寨十二年口入塞  
 戰柏崖堂再戰白羊峪斬首五十三年陞署都督  
 僉事充總兵治三屯營尋署都督同知盡簡諸軍散  
 遣老弱聽其農市取其庸倍給諸健武者衣餉士皆  
 喜人人奮習武藝當是時漁陽一軍稱雄未幾上至

喜峰口欲出塞永扣馬諫上注視久之顧內侍曰此馬永耶笑而止朶顏酋把兒孫結諸口邀官賞不得輒入塞永迎擊洪山口大敗口斬首五十八陞右都督嘉靖三年把兒孫入青山口塞斬其驍遁去把兒孫自是效順保塞四年大同軍亂殺都御史張文錦叅將賈鑑用兵不利朝議且撫永上疏力言不可撫他日九邊效尤將有唐室河北藩鎮之禍勅永提兵出居庸討賊俄以流言中止五年永上言乞宥諸言大禮獲罪者又言陸完有平賊功宜贖罪錄用其

子奪總兵寄祿南京督府十二年大同再亂殺總兵李瑾討之久無功廷臣薦永召至業已撫罷兵復還南京十四年遼東軍亂逐都御史呂經召永總兵遼東十七年口入塞率兵五千人搗口巢焚其廬還十八年遼軍再亂率家兵逼賊斬四十餘人遂定陞左都督永卒於遼東遼人爲罷市哭喪過漁陽漁陽人皆哭兩鎮皆祠永永爲將善誦口情先知所從來及衆寡設伏待口以胡口往來失利去永善養士能同其苦又善知人獎拔蕭陞劉淵祝雄皆起列校爲方



鎮

武秩

明

胡鏞 任薊鎮總兵

陳景先 任薊鎮總兵

馬永 任遼東總兵有傳

蕭陞 撫寧衛僉事 任薊鎮總兵

劉淵 山海衛僉事 任薊鎮總兵

祝雄 任薊鎮總兵

高瑛 任燕河營參將

張世忠 任偏頭關參將有傳

李光啟 樂亭人任葛峪堡參將

趙文明 歷任遊擊

祝福 雄子任保定總兵

趙卿 山海衛指揮 任宣府總兵

周徽 撫寧衛指揮 任薊鎮總兵

程棋 興州衛人協守東路遊擊

張世武 興州衛人協守東路遊擊

唐大節 山海衛人任協守東路遊擊

史宸 永平衛人任協守東路副總兵

陶世臣 永平衛試百戶 任薊鎮總兵

谷承功 永平衛人任山海路參將

李洪 山海衛人任燕河路參將

彭友德 興州衛指揮任保定府總兵

徐技 山海衛人任京營都督僉事

朱楫 永平衛人任燕河路參將

何鎮 盧龍衛人任燕河路參將

張懋勳 山海衛人任神樞營遊擊

鍾傑 撫寧衛指揮任獨石參將

周承聘 興州衛指揮任昌平遊擊

周大觀 承聘子任松棚路參將

丘陵 撫寧衛指揮任葛峪堡參將

李康民 永平衛人任燕河路參將

李逢時 永平衛指揮使武進士任階文參將

曹應登 永平衛指揮任燕河路參將

章思恭 永平衛副千戶任黃甫川參將

孟國用 寧夏總兵

吳尚賢 撫寧衛指揮任太平寨參將

盧天福 東勝衛人任山海經理鎮總兵

谷九有 永平衛人任德州參將

呂鳴咸 山海衛指揮任山海南部副總兵

劉 恩 撫寧衛指揮任大同都司

劉 涵 撫寧衛指揮任神机營遊擊

趙文明 山海衛指揮任寧山參將

趙 勛 山海衛人任五軍營參將

熊文濟 山海衛武舉任遊擊

朱尚義 山海衛人任陽和副總兵

潘光啓 東勝衛千戶任龍井閑參將

羅 燦 永平衛指揮任瀋陽遊擊

鄭國忠 永平衛千戶任南兵營遊擊

駱子秀 永平府人任永鎮右營遊擊

羅 堦 永平衛指揮任昌平參將

李魁春 永平衛千戶任山西掌印都司

任國琦 山海衛武舉任督師標下副總兵

趙應元 山海衛千戶任山海路參將

孫承業 山海衛千戶任建昌路參將

穆朝臣 山海衛指揮任經理鎮標副總兵

張惟忠 遼東人盧龍縣籍任冷口副總兵

李鳴崗 山海衛指揮任鎮標右營都司

趙宗舜 涿州人錦衣千戶

謝天爵 永平衛人山永撫標旗鼓

李自馨 昌黎人任山永撫標旗鼓

曹 綱 撫寧衛指揮任河間遊擊

附昌黎縣守城功授守備

宋文煌

王九州

李際春

田養茂

王正道 王世臣 杜文奇 史登雲

李多聞 馬性美 王目壯 王培

李士奇 杜茂秋 蔡時茂 李時賢

任自得 賈有元 劉光遠 楊開泰

國朝

惠應詔 撫寧縣人在 四川總兵 湯自道 涿州人在 北樓口參將

蕭奇楹 撫寧縣人在 章丘參將 盧拱極 東勝衛人在 大靖堡參將

劉紹祖 昌黎縣人在 洮岷守備 鄭弘謨 樂亭縣人在 三省總督旗鼓遊擊

李聚良 昌黎縣人在 三眼井守備 譚九疇 東勝衛人在 彰義堡都司

曹光啟 盧龍人在 復山守備 張師聖 遷安人任 浙江江定海參將

周鼎 遷安人任 浙江都司陣亡贈廕 孟喬榮 東勝衛人在 牛魯章京

王棟 遷安人倒 馬關都司

武進士

明

正德程源興州衛人

李賢興州衛中軍守備

嘉靖常潤山海衛百戶

張世忠山海衛鎮撫

郭淙興州衛人

李介明興州衛人

陸萬鍾狀元興州衛指揮

陸禎東勝衛百戶

司倫永平衛人

徐惠盧龍衛百戶

朱承芳永平衛百戶

李恩東勝衛百戶

程照興州衛舍人

周徑撫寧衛舍人

隆慶李逢時永平衛指揮

郭應坤盧龍衛舍人

萬曆王維新忠義中衛人

程燦興州衛人  
張九德興州衛人

張世忠 忠義衛 應襲 王養賢 山海衛 應襲 熊文濟 山海衛人

天馬先登 遷安人 本道中 軍建昌都司

崇禎 丁明盛 盧龍人 副總兵

國朝

丙張 曜 遷安人 張武揚 山海人 宣 城守備

乙周 葵 遷安人 見任多羅機 錢標 燕河 營人

戊李廷斌 盧龍人

舉人

程源 見進士 李賢 見進士

嘉靖 張世武 興州衛 千戶

譚倫 東勝衛 譚時中 倫子 二科 彭蠡 興州衛 二科

張麒 盧龍衛 韓廷璽 東勝衛 邵永 盧龍縣 人

汪承恩 永平衛 千戶 楊承光 東勝衛 羅涇 撫寧衛 人

鄭康 永平衛 百戶 徐惠 見進士 朱承芳 見進士

呂鐘 山海衛 周德 撫寧衛 周尚文 撫寧衛 指揮

李息 見進士 譚章 山海衛 谷繼節 盧龍衛 人

周徑 見進士 夏時霖 盧龍衛 千戶 李時芳 東勝衛 應 襲 二科

程照 見進士

徐國柱 盧龍衛百戶

戴時動 興州衛人二科

程世祿 永平衛人

趙祐 盧龍衛人

陳忠 興州衛人

李時茂 東勝衛舍人

米實 盧龍衛百戶

程默 興州衛人二科

隆慶 蔣國卿 興州衛人

吳自科 興州衛人

李逢時 見進士

郭應坤 見進士

萬曆 程燦 二科見進士

王慶奇 永平衛百戶

高騰 東勝衛人

呂復亨 盧龍衛人

張昆 山海衛人二科

王維新 見進士

陳應魁 盧龍衛人

張九德 見進士

侯維翰 永平衛人二科

陶世學 永平衛人

馬逢樂 永平衛人

馬士元 永平衛人

張世忠 二科見進士

胡自強 永平衛人

畢邦輔 忠義衛應襲二科

李平政 永平衛人

畢邦幾 邦輔弟忠義衛舍人

王養賢 見進士

張世忠 見進士

翟居正 忠義衛人

徐方言 東勝衛人

李廷臣 盧龍人

天啟 馬先登 見進士

李養性 遷安人本道中軍

曹維肖 都指揮管樂亭練總

崇禎 譚九疇

錢標 見進士

曹光啟

董其戎

王標 以上並盧龍人

馬中驥 山海都司僉書

國朝

戊子 王弘胤 樂亭人

貢鵬舉 山海衛人

王奮徵 山海衛人

甲午 李廷斌 盧龍人

封廕

人臣服官於國皆得徼天子之命以榮其親而其品之崇者又得貽其澤於子孫蓋上之人所以體群臣者至矣虞書言賞延於世是有廕而無封今日之典視三代為優焉茲志也非直紀恩命之榮忠孝之道於此焉備未可以其不登於朝而畧之也

明

盧龍

朱有 以子鑑贈刑部主事

李凱 永平衛百戶以子時贈平涼府知府

王堂 以子大用贈 刑部郎中

廖儒 以子自顯贈 廣東道御史

韓廷義 以子應庚封 監察御史

白鑰 南錦承衛經歷以子瑜贈大理寺卿

韓應箕 應庚弟貢士以子原善封兵部主事

陳志文 以子王庭贈 監察御史

遷安

吳紀 以子誠贈 監察御史

王民 以孫銳贈 副都御史

王都 以子銳贈 副都御史

李元 以子加贈 禮部主事

王政 以子和贈 監察御史

郭洪 以子鏞贈 監察御史

才整 以孫寬贈 工部侍郎

才通 以子寬贈 工部侍郎

李中 以子文贈 戶部員外

王路 以子廷贈兵 科給事中

李葉 以子炫贈 兵部主事

陳瑛 以子鶴封 監察御史

李臣 以子安仁贈 大理寺評事

徐伸 以孫雲遠贈 光祿寺卿

徐可久 以子雲遠贈 光祿寺卿

程墀 以子大猷封 戶部郎中

郭如藩 以子鞏贈兵 科給事中

撫寧

金禧 以子鏞贈光 祿寺署丞

姚斌 以子政 贈運使

翟昊 以子鵬贈 戶部主事

王忱 以子胤祥贈 刑科給事中

張楫 以子九三贈 國子監學正

昌黎



張廣 以孫文質贈工部尚書

杜復 以孫謙贈工部左侍郎

魏棟 以子可簡贈尚寶司卿

邱尚信 以子存性封河內知縣

張鑑 以子文質贈工部尚書

杜敏 以子謙贈工部左侍郎

劉銳 以子汝桂贈登州府判

齊鳴雷 以子斌封靈石知縣

灤州

王海 以孫翺贈左都御史

王侃 以子蕃贈太常寺博士

安和 以子民贈戶部員外

厲鑑 以子汝進封吏科給事中

高聰 知縣以子謙贈文林郎孫擢贈順天府尹

任玉 以子惠贈吏科給事中

吳宥 以子吉贈推官

高謙 以子擢贈順天府尹

張大鈞 以子鵬翼封工部主事

高吉昌 以子第贈兵部尚書

馮餘慶 知縣以孫運泰贈太僕寺卿

倫浹 以子之楷贈陝西道監察御史

張秉真 以子聯奎贈臨洮推官

郝興 以子隆贈大理寺評事

高玉 以孫第贈兵部尚書

石璞 大使以子維嶽贈懷慶府知府

馮斗華 知縣以子運泰封太僕寺卿

張夙 以子汝賢贈定陶知縣

韓邦直 以子友柳贈襄府長史

樂亭

劉溥 以子懋累贈戶部員外

李霖 以子宗商贈戶部主事

李昇 以子霖贈柘城知縣

盧梁 以子取麒贈山西右叅議

王茂 以孫好問贈 戶部尚書

王臣 以子好問贈 戶部尚書

蕭富 以子雲漢贈 應州知州

王永昌 以子利賓贈 兵馬指揮

張問道 以子國瑞贈 陝西左布政

曹克勤 生員以子司牧贈 鞏昌府知府

陳讜論 生員以子興門 封銅仁推官

山海

蕭福 以子顯贈 兵科給事中

詹玉 以孫榮贈 副都御史

詹通 以子榮贈 副都御史

劉剛 以孫淵贈 都督僉事

劉鎮 以子淵贈 都督僉事

王榮 以子相贈 經歷

劉汝楨 以子復禮贈 工部郎中

馮琦 以子時泰贈 工部主事

劉光大 以子思誠贈 濟南同知

劉思誠 同知以子廷宣贈 大理寺左少卿

程矩 以子繼賢贈 工部員外

國朝

陳靖華 以子君錫贈 睢寧知縣

余崇貴 以子一元贈 朝儀大夫禮部侍郎

胡憲玉 以子來相贈 山陝道監察御史

穆齊英 以子爾謨封 文林郎贛榆縣知縣

劉慎 以子克孔贈 承德郎溫州通判以上封贈

盧龍

王道平 以父珮巡撫功 廕授都察院經歷

白養元 以父瑜刑部左侍郎廕太僕寺主簿

遷安

王世 以從父銳都御史 功世襲錦衣百戶

才榮 以父寬總制三邊 功世襲錦衣百戶

徐真修 以父雲達光祿卿廕

撫寧

劉鏜

昌黎

張臯 以祖文質禮部尚書廕

杜濬 以父謙工部侍郎廕任禮部司務

杜漢 以父謙侍郎廕至知府

王子興 以父槐工部右侍郎廕任詹事府典籍

灤州

高霄 以父擢都御史廕任後府經歷

高應辰 以父第都御史廕任戶部照磨

樂亭

劉光大 以子思誠贈濟南同知

劉思誠 同知以子廷宣贈大理寺左少卿

程矩 以子繼賢贈工部員外

國朝

陳靖華 以子君錫贈睢寧知縣

余崇貴 以子一元贈朝儀大夫禮部侍郎

胡憲玉 以子來相贈山陝道監察御史

穆齊英 以子爾謨封文林郎贛榆縣知縣

劉慎 以子克孔贈承德郎溫州通判以上封贈

遷安

劉光裕 以子鴻儒貴贈兵部左侍郎

灤州

石璞 以孫申貴贈吏部左侍郎

石嶽 以子申貴贈吏部左侍郎

雷聲 以雷鳴德太醫院贈光祿大夫

雷遜 以雷鳴德太醫院完贈光祿大夫

雷以動 以雷鳴德太醫院貴贈光祿大夫

遷安

劉涵 以父鴻儒廕入監

劉冲 以父鴻儒廕入監

灤州

石章 以父申侍郎廕官生

王應麒 以父可就都僉廕官生

王應豸 以父可就督同廕官生

永平衛

蔡毓華 以父士英總漕貴廕選知縣

蔡毓秀 以父士英總漕廕候選六品

孟纘祖 以北城御史熊飛貴廕官生

孟繼祖 以父汀州知府熊臣廕官生

永平府志卷之十八

萊陽宋琬撰次

宜興路 遴叅校

人物前

廣寧常文魁續補

自古哲士偉人多奮跡于邊陲之地况永平爲燕東大郡夷齊二子之故墟自漢以來垂名史冊者代不乏人乃昔之爲書者不讀全史于其本郡之人多闕遺未攷而旁援它郡之賢者以附益之是果足爲永平重耶夫田疇無終人玉田縣志詳之矣韓麒麟豆盧通之屬皆古昌黎人李光弼姚樞皆柳城人在今

永平府志 卷之十八  
之塞外以其無志可書而附之猶可也遂以爲今之  
昌黎非也且夫古之內郡而今淪于徼外者多矣交  
趾之往哲不聞祀于廣西朔方之舊勲不聞報于寧  
夏以載記及北史攷之古昌黎之傳人多矣可盡書  
耶今志皆不取焉而錄郭涼以下諸人之犖犖見于  
史傳者其餘別爲一則以俟後之君子考焉

後漢郭涼字公文右北平人身長八尺氣力壯猛雖武將  
然通經書多智畧尤曉邊事有名北方初幽州牧朱浮辟  
爲兵曹掾擊彭寵有功封廣武侯建武九年爲鴈門太守

與驃騎大將軍杜茂擊盧芳將尹由于繁時其將賈丹霍  
匡解勝等殺由詣涼降詔送委輸金帛賜茂涼軍吏自是  
盧芳城邑稍稍來降涼誅其豪右郇氏之屬鎮撫羸弱旬  
月間鴈門平芳遂亡入匈奴帝擢涼子爲中郎宿衛左右  
魏攸右北平人爲幽州牧劉虞東曹掾虞與公孫瓚有怨  
乃密謀討之以告攸攸曰今天下引領以公爲歸謀臣爪  
牙不可無也瓚文武才力足恃雖有小惡固宜容忍虞乃  
止頃之攸卒虞積忿不已遂自率諸屯兵十萬人攻瓚大  
敗爲瓚所殺

公孫瓚字伯珪遼西令支人家世二千石瓚以母賤遂爲郡小吏爲人美姿貌大音聲言事辯慧太守竒其才以女妻之後從涿郡盧植學於緱氏山中畧見書傳舉上計吏太守劉君坐事檻車徵官法不聽吏下親近瓚乃改容服詐稱侍卒身執徒養御車到洛陽太守當徙日南瓚具豚酒於北芒上祭辭先人酌觴祝曰昔爲人子今爲人臣當詣日南日南多瘴氣恐或不還便當長辭墳塋慷慨悲泣再拜而去觀者莫不嘆息旣行於道得赦瓚還郡舉孝廉除遼東屬國長史嘗從數十騎出行塞下卒逢鮮卑數百

騎瓚乃退入空亭約其從者曰今不奔之則死盡矣乃自持兩刃矛馳出衝賊殺傷數十人瓚左右亦亡其半遂得免中平中以瓚督烏桓突騎車騎將軍張溫討涼州賊會烏桓反叛與賊張純等攻擊薊中瓚率所領追討純等有功遷騎都尉純復與●●丘力居等寇漁陽河間勃海入平原多所殺畧瓚追擊戰於屬國石門鹵遂大敗棄妻子踰塞走悉得其所掠男女瓚深入無繼反爲丘力居等所圍於遼西管子城二百餘日糧盡食馬馬盡煮弩楯力戰不敵乃與士卒辭訣各分散還時多雨雪墜阬死者十五

六鹵亦飢困遠走柳城詔拜瓚降校尉封都亭侯復兼  
領屬國長史職統戎馬連接邊寇每聞有警輒厲色憤怒  
如赴讐敵望塵奔逐或繼之以夜戰識瓚聲憚其勇莫  
敢犯瓚常與善射之士數十人皆乘白馬爲左右翼自號  
白馬義從烏桓更相告語避白馬長史乃畫作瓚形馳騎  
射之中者咸稱萬歲自此之後遂遠竄塞外瓚志埽滅  
烏桓而劉虞欲以恩信招降由是與虞相忤初平二年青  
徐黃巾三十萬衆入勃海界欲與黑山合瓚率步騎二萬  
人逆擊於東光南大破之斬首三萬餘級賊棄其車重數

萬兩奔走渡河瓚因其半濟薄之賊復大破死者數萬流  
血丹水收得生口七萬餘人車甲財物不可勝算威名大  
震拜奮武將軍封薊侯及瓚與袁紹有隙乃上疏數紹之  
罪舉兵攻紹於是冀州諸城悉畔從瓚瓚乃自署其將帥  
爲青冀兖三州刺史又悉置郡縣守令與紹大戰於界橋  
瓚軍敗還薊紹遣將崔巨業將兵數萬攻圍故安不下退  
軍南還瓚將步騎三萬人追擊於巨馬水大破其衆死者  
七八千人乘勝而南攻下郡縣遂至平原遺其青州刺史  
田楷據有齊地紹復遣兵數萬與楷連戰二年紹乃遣子



譚爲青州刺史楷與戰敗退還是歲瓚破禽劉虞盡有幽州之地前此有童謠言燕南垂趙北際中央不合大如礪唯有此中可避世瓚自以爲易地當之遂徙鎮焉乃盛修營壘樓觀數十臨易河通遼海劉虞從事漁陽鮮于輔等合率州兵欲共報瓚輔以燕國閭柔素有恩信推爲烏桓司馬柔招誘漢數萬人與瓚所置漁陽太守鄒丹戰于潞北斬丹等四千餘級烏桓峭王率種人及鮮卑七千餘騎共迎虞子和與袁紹將麴義合兵十萬共攻瓚興平二年破瓚于鮑丘斬首二萬餘級瓚遂保易京開置屯田稍

得自支相持歲餘麴義軍糧盡士卒飢困退走瓚邀破之盡得其車重是時旱蝗穀貴民相食瓚恃其才力不恤百姓記過忘善睚眦必報州里善士名在其右者必以法害之常言衣冠皆自以職分富貴不謝人惠故所寵愛類多商販庸兒所在侵暴百姓怨之於是代郡廣陽上谷右北平各殺瓚所置長史復與輔和合兵瓚慮有非常乃居於易京以鐵爲門斥去左右男人七歲以上不得入門專侍姬妾其文簿書記皆汲而上之令婦人習爲大言聲使聞數百步以傳宣教令踈遠賓客無所親信故謀臣猛將稍

永正府志 卷之十八  
三  
稍乖散自此之後希復攻戰或問其故瓚曰昔我驅  
於塞表掃黃巾于孟津當此之時謂天下指麾可定至于  
今日兵革方始觀此非我所決不如休兵力耕以救凶年  
兵法百樓不攻今吾諸營樓櫓千里積穀三百萬斛食此  
足以待天下之變建安三年袁紹復大攻瓚瓚遣子續請  
救於黑山諸帥而欲自將突騎直出傍西山以斷紹後長  
史關靖諫瓚乃止及紹漸相攻逼瓚衆日蹙乃却築三重  
營以自固四年春黑山賊帥張燕與續率兵十萬三道來  
救未至瓚乃密使行人齎書告續期于北隰中舉火爲應

紹候得其書如期舉火瓚以爲救至遂出戰紹設伏瓚遂  
大敗復還保中小城自計必無全乃悉縊其姊妹妻子然  
後引火自焚紹兵趣登臺斬之續爲屠各所殺

吳程普字德謀右北平土垠人初爲州郡吏有容貌計畧  
善於應對從孫堅征伐討黃巾於宛鄧破董卓于陽人攻  
城野戰身被創夷堅薨復隨孫策在淮南從攻廬江拔之  
還俱東渡策到橫江當利破張英于廩等轉下秣陵湖熟  
句容曲阿普皆有功增兵二千騎五十匹進破烏程石木  
波門陵傳餘杭普功爲多策入會稽以普爲吳郡都尉治

錢塘後徙丹陽都尉居石城復討宣城涇安吳陵陽春穀諸賊皆破之策嘗攻祖郎大爲所圍普與一騎共蔽扞策驅馬疾呼以矛突賊賊披靡策因隨出後拜盪寇中郎將領零陵太守從討劉勳於尋陽進攻黃祖于沙羨還鎮石城策薨與張昭等共輔孫權遂周旋三郡平討不服又從征江夏還過豫章別討樂安平之代太史慈備海昏與周瑜爲左右督破曹公於烏林又進攻南郡走曹仁拜裨將軍領江夏太守治沙羨食四縣性好施與喜士大夫周瑜卒代領南郡太守權分荊州與劉備普復還領江夏遷盪寇將軍卒權稱尊號追論普功封子咨爲亭侯

韓當字義公遼西令支人以便弓馬有膂力幸於孫堅從征伐周旋數犯危難陷敵擒虜爲別部司馬及孫策東渡從討三郡遷先登校尉授兵二千騎五十匹從征劉勳破黃祖還討鄱陽領樂安長山越畏服後以中郎將與周瑜等拒破曹公又與呂蒙襲取南郡遷偏將軍領永昌太守宜都之役與陸遜朱然等共攻蜀軍於涿鄉大破之徙威烈將軍封都亭侯曹真攻南郡當保東南在外爲帥厲將士同心固守又敬重督司奉遵法令權善之黃武二年封

石城侯遷昭武將軍領冠軍太守後又加都督之號將敢  
死及解煩兵萬人討丹楊賊破之會病卒子綜襲侯領兵  
綜滯亂不軌懼罪載父喪將母家屬部曲男女數千人奔  
魏魏以爲將軍封廣陽侯數犯邊境權常切齒東興之後  
綜爲前鋒收死諸葛恪斬送其首以白權廟

晉閻亨遼西人苟晞爲大都督督青徐六州諸軍事刑政  
苛虐縱憤肆欲亨以書固諫晞怒殺之

後魏衛冀隆遼西人官國子博士爲服氏之學上書難杜  
氏春秋六十三事

竇瑗字世珍遼西陽樂人自言本扶風平陵人漢大將軍  
竇武之曾孫崇爲遼西太守子孫遂家焉曾祖堪慕容氏  
漁陽太守祖表馮弘成周太守入國父罔舉秀才早卒普  
泰初瑗啟以身階級爲父請贈詔贈征將軍平州刺史  
瑗爲御史轉奉朝請兼太常博士爲太原王爾朱榮所知  
遂表留瑗爲北道大行臺左丞以軍功賜爵陽洛男除員  
外散騎常侍封新昌男因從榮東討葛榮事平封容城縣  
開國伯食邑五百戶除征將軍通直散騎常侍仍左丞  
乞以容城伯讓兄叔珍詔聽以新昌男轉授之叔珍歷太

山太守除征南將軍金紫光祿大夫敷奏侃然前廢帝甚重之山帝時爲廷尉卿天平中除鎮東將軍金紫光祿大夫尋除廣宗太守有清白稱轉中山太守加征東將軍爲吏民所懷授使持節本將軍平州刺史在州政如治郡又爲齊獻武王丞相右長史除大宗正卿尋加衛將軍宗室以其寒士相與輕之瑗按法推治無所顧避官雖通顯貧窘如初領本州大中正以本官兼廷尉卿卒官贈本將軍太僕卿濟州刺史謚曰明

後周怡峯字景阜遼西人本姓默台因避難改焉高祖寬

燕遼西郡守魏道武時率戶歸朝拜羽真賜爵長蛇公會祖文興州刺史峯少從征以驍勇聞永安中假龍驤將軍爲都將從賀拔岳討万俟醜奴以功授給事中明威將軍轉征將軍都督賜爵蒲陰縣男及岳被害峯與趙貴等同謀翊戴太祖進爵爲伯時原州刺史史歸猶爲侯莫陳悅守太祖令峯與侯莫陳崇討擒之及齊神武與魏孝武帝構隙帝頻勅太祖簡銳卒入衛京邑太祖乃令峯與都督趙貴等率輕騎赴洛陽至潼關值魏孝武西遷峯卽從太祖拔回洛復潼關拜安東將軍華州刺史尋轉大都督

討曹泥有功進爵華陽縣公邑一千戶大統二年從太祖  
破竇泰於小關還拜散騎常侍車騎大將軍儀同三司又  
從復弘農破沙苑進爵樂陵郡公仍與元季海獨孤信復  
洛陽率奇兵至成臯入其郭收其戶口而還東魏遣行臺  
任祥率步騎萬餘攻潁川峯復以輕騎五百邀擊之自是  
威名轉盛加授開府儀同三司東魏圍洛陽峯與季海守  
金墉太祖至圍解卽與東魏戰於河橋時峯爲左軍不利  
與李遠先還太祖因此班師詔原其罪拜東西北三夏州  
諸軍事夏州刺史後與于謹討劉平伏從解玉壁圍平栢  
谷塢並有功涼州刺史宇文仲和反峯與于謹討之十五  
年東魏圍潁川峯與趙貴赴援至南陽遇疾卒年五十峯  
沉毅有膽畧得士卒心當時號爲驍將贈華州刺史謚曰  
襄威子昂嗣官至開府儀同三司朝廷追錄峯功封昂鄭  
國公昂弟光少以峯勲賜爵安平縣侯起家員外散騎常  
侍累遷司土中大夫左武伯出爲汾涇豳三州刺史加開  
府儀同三司進爵龍河縣公光弟春少知名歷官吏部下  
大夫儀同三司

唐陽惠元平州人以趨勇事平盧軍從田神功李忠臣浮

海入青州詔以兵隸神策爲京西兵馬使鎮奉天德宗初立稍繩諸節度跋扈者於是李正己屯曹州田悅增河上兵河南大擾詔移兵萬二千戍關東帝御望春樓誓師勞遣諸將酒至神策將士不敢飲帝問故惠元曰初發奉天臣之帥張巨濟與衆約是役也不立功毋飲酒臣不敢食其言旣行有饋於道惟惠元軍瓶罍不發帝咨歎不已璽書慰勞俄以兵三千會諸將擊田悅戰御河奪三橋惠元功多以兵屬李懷光及朱泚反白河朔赴難解奉天圍加檢校工部尚書攝貝州刺史詔惠元與神策行營節度使

李晟鄜坊節度使李建徽及懷光聯營便橋晟知懷光且叛移屯東渭橋翰林學士陸贄請移惠元建徽二軍與晟合帝不從懷光果奪二軍惠元建徽走奉天懷光遣將冉宗馳騎追及於好畤惠元披髮呼天血流出背袒襦戰而死二子晟嵩皆遇害建徽獨免詔贈惠元尚書左僕射晟殿中監嵩邠州刺史少子旻字公素惠元之死被八創墮井以救得免歷邢州刺史盧從史旣縛潞軍潰有驍卒五千從史嘗以子視者奔於旻旻閉城不納衆皆哭曰奴失帥今公有完城又度支錢百萬在府少賜之爲表天子求

字玉邠州刺史  
史止

旌節旻開諭禍福遣之衆感悟遂還軍憲宗嘉之遷易州  
刺史王師討吳元濟以唐州刺史提兵深入二百里薄申  
州拔外郭殘其垣以功加御史中丞容州西原蠻反授本  
州經畧招討使擊定之進御史大夫卒贈左散騎常侍  
周寶字上珪平州盧龍人曾祖代遷爲魯城令安祿山反  
率縣人拒戰死之祖光濟事平盧節度使侯希逸爲牙將  
每戰得攻魯城者必手屠之歷左贊善大夫從李洧以徐  
州歸天子父懷義通書記系檢校工部尚書天德西城防  
禦使以徙城事不爲宰相李吉甫所助以憂死寶藉蔭爲

千牛備身天平節度使殷侑嘗爲懷義參軍寶從之爲部  
將會昌時選方鎮才校入宿衛與高駢皆隸右神策軍歷  
良原鎮使以善擊毬俱補軍將駢以兄事實寶彊毅未嘗  
訕意於人官不進自請以毬見武宗稱其能擢金吾將軍  
以毬喪一日進檢校工部尚書涇原節度使務耕力聚糧  
二十萬斛號良將黃巢據宣歙徙寶鎮海軍節度兼南面  
招討使僖宗入蜀加檢校司空時群盜所在盤結寶練卒  
自守發杭州兵戍縣鎮判八都中和二年進同中書門下  
平章事兼天下租庸副使封汝南郡王寶和裕喜接士以



京師陷賊將赴難益募兵號後樓都寶子璵統後樓都屏不能馭軍部伍橫肆寶亦稍惑聲色不卹事初鎮海將張郁以擊毬事實光啟初劇賊剽崑山寶遣郁領兵三百戍海上郁醉而叛寶遣將拓跋從討定之郁保常熟因攻常州刺史劉革迎降寶遣將丁從實督兵攻之郁走海陵從實遂據常州及董昌徙義勝軍節度使寶承制擢杭州都將錢鏐領州事高駢領鹽鐵辟寶子佶為支使寶亦表駢從子在幕府駢為都統寢久不禮寶寶銜之帝在蜀淮南絕貢賦謾言道浙西為寶剽阻帝知其誣不直駢自是顯

隙駢出屯東塘約西定京師遣人請會金山謀執寶寶荅曰平時且不聞境上會况上蒙塵宗廟焚辱寧高會時耶我非李康不能為人作功動欺朝廷也駢遣人切讓寶亦詬絕之會部將劉浩刁頹與康交催勅使太子左庶子薛朗叛會方寢外兵格鬪火照城中寶自青陽門出奔常州依丁從實召後樓都無一士至者錢鏐遣杜稜徐及攻薛朗稜子建徽攻從實聲言迎寶遂圍常州從實奔海陵鏐具囊韉迎寶合樟亭未幾殺之年七十四贈太保

宋郭瓊平州盧龍人祖海本州兩治使父令奇蘆臺軍使

瓊少以勇力聞事契丹爲蕃漢都指揮使後唐天成中挈其族來歸明宗以爲軍州團練使改刺商州遷原州清泰初移階州城壘未葺蜀人屢寇瓊患之因徙城保險民乃無患受詔攻文州拔二十餘砦生擒數百人晉天福中移刺涇州屬羌渾騷動朔方節度張希崇表瓊爲部署將兵共討平之連領滑坊號衛四州開運初爲北面騎軍排陣使陽城之役戰功居多改沂州刺史充荆口砦王兼東面行營都虞候擒莫州刺史趙思以獻改刺懷州俄爲北面先鋒都監契丹中原盜賊蠡起山東爲甚契丹王命瓊

復刺沂州以禦盜瓊卽日單騎赴郡盜聞瓊威名相率遁去漢乾祐中淮人攻密州以爲行營都部署未至淮人解去會平盧節度劉銖恃佐命之舊稱疾不朝將相大臣懼其難制先遣瓊與衛州刺史郭超以所部兵屯青州銖不自安置酒召瓊伏壯士幕下欲害瓊瓊知其謀屏去從者從容就席畧無懼色銖不敢發瓊因爲陳禍福銖感其言遂治裝俄詔至卽日上道瓊改潁州團練使又加防禦使時朗州結荆淮廣南合兵攻湖南詔瓊以州兵合王令溫大軍攻光州尋以內難不果罷歸朝遣詣河北計度兵甲

芻糧周祖祀南郊召權知宗正卿事世宗征劉崇爲北面  
行營都監歷絳蔡齊三州防禦使在齊州民饑瓊以已俸  
賑之人懷其惠相率詣闕請爲立碑宋建隆三年告老加  
右領軍衛上將軍致仕歸洛陽乾德二年卒年七十二瓊  
雖起卒伍而所至有惠政尊禮儒士孜孜樂善蓋武臣之  
賢者也

姚內斌平州盧龍人仕契丹爲關西巡檢瓦橋關使周顯  
德六年太祖從世宗北征兵次瓦橋關內斌率衆五百人  
以城降世宗以爲汝州刺史吏民詣闕舉留恭帝詔褒之

從平李筠攻虢州刺史西夏數犯西部以內斌爲慶州刺  
史兼青白兩池榷鹽制置使在郡十數年西夏畏伏不敢  
犯斌爲姚大蟲內斌初降其妻子在契丹乾德四年子  
承贊密自幽州來歸五年幽州民田光嗣等又以內斌兒  
女六人間道來歸太祖並召見賜衣服緡錢鞍馬令中使  
護送還內斌開寶七年春卒年六十四遣中使護喪歸葬  
洛陽常賻外賜田三十頃承贊爲供奉官閣門祇候死于  
陣承鑒至殿中丞

陳思讓字後已幽州盧龍人父審確仕後唐至晉歷檀順

涿均沁唐祁城八州刺史預征蜀權利州節度終金州防  
 禦使思讓初隸莊宗帳下即位補右班殿直晉天福中轉  
 東頭供奉官丹遷作坊使安從進叛於襄陽以思讓為先  
 鋒右廂都監從武德使焦繼勳領兵進討遇從進兵於唐  
 州花山下急擊大破之以功領獎州刺史從進平授坊州  
 刺史八年冬契丹謀入寇以思讓監澶州軍討楊光遠於  
 青州又為行營右廂兵馬都監兵罷改磁州刺史會符彥  
 卿北征契丹思讓表求預行未幾改衛州連丁內外艱時  
 武臣罕執喪禮思讓不俟詔去郡奔喪聞者嘉之起復

州刺史漢初移淄州罷任歸朝淮南攻湖南馬希廣來乞  
 師令思讓往郢州赴援兵未渡而希廣敗思讓留於郢周  
 祖即位召思讓及所部兵還劉崇僭號太原遣思讓率兵  
 詣磁州控扼澤潞未幾授磁州刺史充北面兵馬巡檢未  
 行陞磁州為團練即以思讓充使廣順元年七月劉崇遣  
 大將李瓌領馬步軍各五都鄉兵一都自團栢軍於窯子  
 店思讓與都監向訓張仁謙等率龍捷吐渾軍至虎亭西  
 與瓌軍遇殺三百餘人獲崇偏將王璠曹海金俄遣王俊  
 援晉州以思讓與康延昭為左右廂排陣使令率軍自島

嶺路至絳州與大軍合崇燒營遁去思讓又與藥元福襲  
 之俄命權知絳州明年春遷絳州防禦使顯德元年改毫  
 州防禦使充昭義軍兵馬鈐轄屢敗并人及契丹援兵遷  
 安國軍節度觀察留後充北面行營馬步軍排陣使五年  
 敗并軍千餘於西山下斬五百級改義成軍節度觀察留  
 後六年春世宗將北征命先赴冀州俟命及得瓦橋關為  
 雄州命思讓為都部署率兵戍守世宗不豫還京留思讓  
 為關南兵馬都部署恭帝嗣位授廣海軍節度宋初加檢  
 校太傅乾德二年為保信軍節度皇子興元尹德昭納思

翊聖功臣尋改臨海軍節度使會同初從耶律牒螭使晉  
 行冊禮還加檢校太師二年卒贈太師魏國公子延昭延  
 靖官至使相

張穀一作覺平州義豐人以進士仕至遼興軍節度副使  
 天祚之走山西也平州軍亂殺其節度使蕭諦里穀撫安  
 亂者州人推穀領州事秦晉王淳既死蕭德妃遣時立愛  
 知平州穀知遠必亡練兵畜馬籍丁壯為備立愛至穀弗  
 納金帥粘罕入燕首問平州事於故叅知政事康公弼公  
 弼曰穀狂妄寡謀雖有鄉兵彼何能為示之不疑圖之未

晚金人招時立愛赴軍前加穀臨海軍節度使仍知平州  
既而又欲以精兵三千先下平州擒穀公弼曰若加兵是  
趣之叛也公弼請自往覘之穀謂公弼曰遼之八路北路  
已降獨平州未解甲者防蕭幹耳厚賂公弼而還公弼復  
粘罕曰彼無足慮金人遂改平州爲南京加穀試中書門  
下平章事判留守事金人既克燕驅燕之大家東徙以燕  
空城及涿易檀順景薊州與宋左企弓康公弼曹勇義處  
仲文皆東遷燕民流離道路不勝其苦入平州言於穀曰  
宰相左企弓不謀守燕使吾民流離無所安集公今臨巨  
鎮握強兵盡忠於遼必能使我復歸鄉土人心亦惟公是  
望穀召諸將議皆曰聞天祚兵勢復振出沒漠南公若仗  
義勤王奉迎天祚以圖中興先責左企弓等叛降之罪而  
誅之盡歸燕民使復其業而以平州歸宋則宋無不接納  
平州遂爲藩鎮矣卽後日金人加兵內用平山之軍外得  
宋爲之援又何懼焉穀曰此大事也不可草草翰林學士  
李石智而多謀可召與議石至其言與之合乃遣張謙率  
五百餘騎傳留守令召宰相左企弓曹勇義樞密使虞仲  
文叅知政事康公弼至灤河西岸遣議事官趙秘校往數

其十罪曰天祚播遷夾山不卽奉迎一也勸皇叔秦晉僭號二也詆許君父降封湘陰三也天祚遣知閣王自慶來議事而殺之四也檄書始至有迎秦拒湘之議五也不謀守燕而降六也不顧大義臣事于金七也根括燕財取悅于金八也使燕人遷徙失業九也教金人發兵先下平州十也爾有十罪所不容誅企弓等無以對皆縊殺之仍稱保太三年畫天祚像朝夕謁事必告而後行稱遼官秩榜諭燕人復業恒產爲常勝軍所占者悉還之燕民旣得歸大悅翰林學士李石更名安弼偕故三司使高黨在燕山

說宋王安中曰平州帶甲萬餘鼓有文武材可用爲屏翰不然將爲肘腋之患安中深然之令安弼與黨詣宋宋主詔帥臣王安中詹度厚加安撫與免三年常賦鼓聞之自謂得計金闔毋聞平州附宋以二千騎至營州鼓以精兵萬騎與戰于兔耳山闔毋大敗鼓報捷于宋宋建平州爲泰寧軍以鼓爲節度使以安弼黨爲徽猷閣待制令宣撫司出銀絹數萬犒賞鼓喜遠迎金人謀知舉兵來襲鼓不得歸奔燕金人以納叛責宋安撫司索鼓王安中諱之索之急斬一人貌類者與之金人曰非鼓也以兵來取安中

不得已殺戮函其首送金燕京降將及常勝軍皆泣下

史列之叛臣傳戮在遼固不得為純忠亦豈金之所得而書叛者乎今采遼史天祚本紀補之

金趙興祥平州盧龍人六世祖思溫遼燕京留守封天水

郡王遼史但云贈魏國公父瑾遼靜江軍節度使興祥以父任閤門

祇候謁告省親于白霄會土賊據郡作亂興祥携母及弟

妹奔燕京不能進乃自柳城涉砂磧夜視星斗而行僅達

遼軍而不知遼主所向遂還柳城及婁室獲遼主興祥乃

歸國從宗望伐宋為六宅使天眷初累官同知宣徽院事

母憂去官熙宗素聞興祥孝行及英悼太子受冊以本官

起復護視太子轉右宣徽使天德初改左宣徽使海陵嘗

問興祥欲使子弟為官當自言興祥辭謝海陵善之賜以

玉帶詔曰汝官雖未至一品可佩此侍立為濟南尹改絳

陽軍節度使召為太子少保封廣平郡王改封鉅鹿正隆

初例奪王爵遷太子少傅封申國公起為武定軍節度使

海陵伐宋興祥二子從軍世宗即位海陵尚在淮南二子

未得還興祥來見於平州世宗嘉其誠欵以為秘書監復

為左宣徽使久之以其孫珣為閤門祇候十五年上幸安

州春水召興祥赴萬春節上謁于良鄉賜銀五百兩卒官



劉敏行平州人登天會三年進士除太子校書郎累遷肥鄉令歲大飢盜賊掠人爲食老弱入保郡城不敢耕種敏行白州借軍士三十護縣民出耕多張旗幟爲疑兵敏行率軍巡邏日暮則關民入城由是盜不敢犯而耕稼滋殖轉高平令縣城圯壞久不修大盜恣掠縣鎮不能禦敏行出已俸率僚吏出錢僱役繕治百姓欣然從之凡用三千人版築遂完鄉村百姓入保賊至不能犯九遷爲河北東路轉運使致仕卒

孟浩字浩然灤州人遼末登進士第天會三年爲樞密院

令史除平州觀察判官天眷初選入元帥府備任使承制除歸德少尹充行臺吏禮部郎中入爲戶部員外郎郎中韓企先爲相拔擢一時賢能皆置機要浩與田穀皆在尚書省穀爲吏部侍郎浩爲左司員外郎旣典選善銓量人物分別賢否所引用皆君子而蔡松年曹望之許霖皆小人求與穀相結穀薄其爲人拒之松年因以事構陷穀坐死其妻子及浩等三十四人皆徙海上仍不以赦原世宗在熙宗時知浩等寃及卽位召見以浩爲侍御史尋爲左司員外郎浩篤實遇事言無所隱上加其忠有疾求外補

除祁州刺史致仕歸七年起爲御史中丞浩年老世宗以不次用之再閱月拜叅知政事故事無自中丞拜執政者浩辭上曰國家用人豈拘階次卿公正忠勤雖年高猶可宜力數年朕思之久矣浩頓首謝世宗勅有司東宮涼樓增建殿位浩諫曰皇太子義兼臣子若所居與至尊宮室相侔恐制度未宜當示以儉德上曰善遂罷其後進尚書右丞兼太子少傅罷爲真定尹以通犀帶賜之十三年薨王信字立斯灤州人屢試鄉薦不第天會三年以戶部從元帥屢戰有功皇統五年特授信武將軍九加至鎮國上將軍開國侯四任縣令判橫海軍皆以廉平稱先業俱讓諸弟蔭敘首及弟姪

李元璋字寶臣灤州人詞賦進士元道之弟少穎悟每數千言一覽成誦未弱冠登正隆元年律科上第任西北路招討知法有能名陞左三品校法歷石城主簿豐潤縣丞夏津令泰和間訪山東官能幹者璋爲第一章宗特旨宣問擢吏部尚書官至少中大夫上護軍府隴西郡開國侯食邑二千戶實封一百戶賜紫金魚袋元璋事父母甚謹公餘拱立父側命退乃退溫清覲省曲盡其禮鄉拜稱之

州志四子邦基榛子鎮監酒邦秀忠顯校尉邦彥平州觀察推官邦獻以文字科出身授元平濠路副都總管府志  
孫緯警使纓千戶綱惠州同知  
經元帥府鎮撫繪敦武校尉

張僮言幼名元奴鼓之子也宗望攻下平州僮言在襁褓間里人劉承宣得之養於家其鄰韓夫人甚愛之年數歲因隨韓夫人得見貞懿皇后留之藩邸稍長侍世宗讀書遂使僮言主家事繩檢部曲一府憚之世宗留守東京海陵用兵江淮將士往往亡歸詣東京願推戴世宗爲天子僮言勸進世宗卽位除內藏庫副使權發遣官籍監海陵死揚州僮言與禮部尚書易居仁殿前左衛將軍阿虎

帶御院通進劉琬發遣六官日司圖書府藏在南京者還

以本職提控尚食局轉少府監丞仍主內藏僮言能心計

世宗倚任之凡宮室營造府庫出納行幸頓舍皆委之世

宗嘗曰一經僮言無不愜朕意者六年提舉修內後事後

夫掘地得白金匿之事覺法當死僮言責取其物與官釋

其罪尋兼祗應司遷少府監提控官籍監祗應司如故護

作太寧宮引宮左流泉溉田歲獲稻萬斛十七年復提點

內藏典領昭德皇后山陵遷勸農使領諸職如故僮言雖

舊臣出入左右然世宗終不假以權任二十一年尚書省

永平府志 卷之十八  
奏宮苑司直長黎倫在職十六年請與遷敘上曰此朕之家臣質直人也今已老矣如勸農使張僅言亦朕舊臣純實頗解事凡朝廷議論內外除授未嘗得干預朕觀自古人君爲讒諂蒙蔽者多矣朕雖不及古人然近習儉言未嘗入耳宰臣曰誠如聖訓此國家之福也世宗欲以爲橫海軍節度使而不可去左右遂止僅言始得疾猶扶杖視事疾亟詔太醫診視近侍問訊相屬及卒上深惜之遣官致祭賻銀五百兩重綵十端絹二百疋棺槨衣衾銀汞飲食物葬地皆官給贈輔上將軍

張景仁字壽甫遼西人累官翰林待制大定二年僕散忠義伐宋景仁掌其文辭宋人議和朝廷已改奉表爲國書稱臣爲姪但不肯世稱侄國往復凡七書然後定其書皆景仁爲之世宗稱其能嘗曰今之文章如張景仁與宋人往復書指事達意辨而裁真能文之士也五年罷兵入爲翰林直學士七年遷侍講八年遷翰林學士同修國史十年兼太常卿學士同修國史如故轉承旨兼修國史改河南尹二十一年召爲御史大夫仍兼承旨修國史未幾詔葬元妃李氏于海王莊平章政事烏古論元忠提控葬事

都水監丞高杲壽治道路不如式元忠不奏決之四十景  
仁劾奏元忠輒斷六品官無人臣禮上曰卿劾奏甚當使  
左宣徽使蒲察鼎壽傳詔戒勅之元忠尚豫國公主怙寵  
自任倨慢朝士景仁劾之朝廷肅然是歲薨

趙質字景道遼相思溫之裔大定未舉進士不第隱居燕  
城南教授爲業明昌間章宗遊春水過之間絃誦聲幸其  
齋舍見壁間題詩諷詠久之召至行殿命之官固辭曰聖  
明在上願託巢由爲外臣上益奇之賜田千畝復之終身  
泰和二年卒年八十五

王元粹平州人爲南陽酒官有詩名詩見中州集

按文藝  
王鬱傳

同以詩鳴者雷館  
侯冊王元粹云

趙思文平州人累官至禮部尚書時朝廷多難思文在閭  
關羈旅中未嘗墮于非禮時人稱之

張介字介甫平州人正大元年經義進士第一爲國用安  
叅議用安表請哀宗幸山東上以其言示宰臣宰臣奏用  
安反覆本無匡輔志此必叅議張介等爲之業已遷蔡議  
遂寢

元鮮甲仲吉中山人歲乙亥國兵定中原仲吉首率平灤

路軍民詣軍門降太祖命為灤州節度使從阿木魯南征  
克右副元帥攻取信安關州諸城以功賜虎符授河北等  
路漢軍兵馬都元帥歲壬辰平蔡有功加金吾衛上將軍  
興平路都元帥右監軍永安軍節度使兼灤州管內觀察  
使提舉常平倉事開國侯尋卒子準克管軍千戶從札台  
火兒赤東征高麗中統元年賜金符扈駕征阿里不哥以  
功受上賞三年從征李壇至元十年授侍衛親軍千戶昭  
武大將軍大都屯田萬戶佩虎符卒子誠襲授宣武將軍  
高郵上萬戶府副萬戶佩虎符改授懷遠大將軍僉武衛

親軍都指揮使司事領兵征瓜哇攻八百媳婦國使廣東

克勤于役尋以疾卒子忽篤土襲以上元史本文 舊志

姓出鮮卑漢有北平太守躬太傅掾整皆以卑姓顯世次  
遠不可考仲吉先家中山石晉末徙灤西萬石山下後為  
義豐里氏莊人祖謙父彥明孝養尚節氣好給施金貞祐  
元年卒亂不克葬于何長子仲成避嵐山流矢貫頰仲吉  
負走及土嶺崗乃死火其骨抱歸歲凶疫大亂仲吉日令  
家人掘菟苴以食有貸者倒囊與之州牒令監遷安園粟  
凡求者即資之園為空素與巡檢許枚善枚死父髦無所  
歸載之家事惟謹及終還其葬仲吉膺選勇敢克副統平  
州陷郡中豪傑推權領永安軍事乙亥首率灤州軍民詣  
蒙古軍門降丁丑以破賊功拜本州節度使兼管內觀察  
使躬耕隴上與百姓同勞苦妻孥亦蚕織自給於是郡人  
爭務勤本號令嚴肅境內以安丁亥進金吾上將軍兼授  
金虎符許世傳贈父如其官葬父以兄骨附未幾入覲遣  
副阿木會諸將南征信安諸寨寨城四面阻水金北平公

張進獨固守不下仲吉以漆人王仲添爲副都統仲添膽  
畧過人同士卒甘苦且耕且戰爲持久計敵至城下與都  
統趙簡松引兵逆戰少却簡松陷敵軍仲添入其陣擊刺  
所向披靡以簡松出雖中流矢必戰罷而後取獨殿以歸  
戊子四月信安兵復至仲添被圍鏖戰至晚力盡死之辛  
卯以破諸城功爲兵馬都元帥將四行臺六總管壬辰春  
兵將南征會行省蘓椿叛中外震擾仲吉與主將定之或  
欲盡屠其衆仲吉日椿反百姓何與於是魏人遂定大駕  
南下一日卧營中主將外來謂日受勅盡殺在營諸俘仲  
吉力言不可附主將以奏上甚喜悉除前令明年從征邠  
州降之主將欲屠其城仲吉止之全活以數萬計甲午還  
家仲吉性聰悟通鑑一過歷歷上口凡與人論輒引古人  
行事折中之居無何以舊勳起爲興平路兵馬都元帥總  
管上將軍平漆總管右監軍永安軍節度使兼漆州管内  
觀察使提舉常平倉事開國侯仲吉詣闕以老病辭不許  
曰右北平易治吾欲汝卧鎮焉賜之燕令位在侯上甲辰  
年秋孟以疾薨於家年五十有七仲冬葬于萬石山先人  
兆次娶五氏爲夫人有子十人鞏肇群萃庠中準華章常  
使立神道碑勒銘

以鞏襲爵年十七肇年十六射虎西山下群獍突辯而能  
文萃能家庠勤學中準以下皆幼孫六人女一十三人葬  
後群權漆州節度使

趙炳字彥明惠州灤陽人父弘有勇畧國初爲征行兵馬  
都元帥積階奉國上將軍炳幼失怙恃於從兄歲飢往

平州就食遇盜欲殺之兄解衣就縛炳年十二泣請代兄  
盜驚異舍之而去甫弱冠以勲闕之子侍世祖於潛邸恪  
勤不怠遂蒙眷遇世祖次桓撫間以炳爲撫州長城邑規

制爲之一新己未伐宋會北方有警括兵歛財燕薊騷動  
王師北還炳遠迂中途具以事聞追所括兵及橫歛財物

悉歸於民世祖嘉其忠中統元年命判北京宣撫司事北京控制遼東畚夸雜處號稱難治時參知政事楊果爲宣撫使聞炳至喜曰吾屬無憂矣三年括北京鷹坊等戶丁爲兵蠲其賦令炳總之時李璫叛據濟南炳請討之國兵圍城炳將千人獨當北面有所俘獲卽縱遣之濟南平入爲刑部侍郎兼中書省斷事官時有携妓登龍舟者卽按之以法未幾其人死其子犯蹕訴寃詔讓之炳曰臣執法尊君職當爲也帝怒命之出旣而謂侍臣曰炳用法太峻然而非徇情者改樞密院斷事官濟南妖民作亂賜金虎

符加昭勇大將軍濟南路總管炳至罪首惡餘黨解散凶發廩賑民而後以聞朝廷不之罪也遷遼東提刑按察使豪猾屏迹至元九年遷京兆路總管兼府尹皇子安西王開府於秦有吏卒橫暴擾民者卽白繩以法王命之曰後有犯者勿復啟請若自處之自是豪猾斂戢有旨以解州鹽賦給王府經費歲久積逋二十餘萬緡有司追理僅獲三之一炳密啟王曰十年之逋責償一日其孰能堪與其哀歛病民孰若惠澤加於民乎王善其言遽命免徵會王北伐詔以京兆一年之賦充軍資炳復請曰所徵逋課



足佐軍用可貸歲賦以藉民力令下秦民大悅十四年加  
鎮國上將軍安西王相王府冬居京兆夏徙六盤山歲以  
爲常王旣北伐六盤守者構亂炳自京兆率兵往捕甫丹  
旬元惡授首十五年春六盤再亂復討平之王還自北嘉  
賞戰功賚賜有加十一月王薨十六年秋被旨入見便殿  
帝勞之曰卿去數載衰白若此關中事煩可知已詢及民  
間利病炳悉陳之因言王薨之後運使郭琮郎中郭叔雲  
竊弄威柄恣爲不法帝臥聽遽起曰聞卿斯言使老者增  
健飲以上尊馬漣改中奉大夫安西王相兼陝西五路

蜀四川課程屯田事餘職如故卽令乘傳偕勅使數人往  
按琮等至則琮假嗣王旨入炳罪收炳妻孥囚之時嗣王  
之六盤徙炳等於平涼北崆峒山囚閉益嚴炳子仁榮訴  
於上卽詔近侍二人馳駟而西脫炳且械琮黨偕來琮等  
留使者醉以酒先遣人毒炳於平涼獄中其夜星隕有聲  
如雷年五十九俄械琮等百餘人至帝親鞫問盡得其情  
命仁榮手刃琮叔雲於東城籍其家以付仁榮仁榮曰不  
共載大之人所蓄之物何忍受之帝善之別賜鈔二萬二  
千五百緡爲治喪具贈中書左丞謚忠愍子六人仁顯蚤

仁表仁榮仁旭仁舉仁軌仁榮仕至中書平章政事仁  
舉登至元中進士知晉州政清訟理人爲立碑餘俱登顯  
仕

陳顥字仲明其先居廬龍有名山者仕金爲謀克太祖得  
之以爲平陽等路軍民都元帥子孫徙清州遂爲清州人  
顥幼穎悟日記誦千百言稍長游京師登翰林承旨王磐  
安藏之門磐熟金典章安藏通諸國語顥兼習之安藏乃  
薦顥入宿衛尋爲仁宗潛邸說書於是仁宗奉母后出居  
懷慶顥從行日開陳以古聖賢艱貞之道仁宗入定內難

迎武宗顥皆預謀及仁宗卽位以舊勳特拜集賢大學士  
榮祿大夫仍宿衛禁中政事無不與聞科舉之行顥贊助  
之力尤多顥時伺帝燕閒取聖經所載大經大法有切治  
體者陳之每見嘉納帝嘗坐使殿群臣入奏事望見顥喜  
曰陳仲明在列所奏必善事矣顥以父年老力請歸養清  
州帝特命顥長子孝伯爲知州以就養顥固辭乃以孝伯  
爲州判官帝欲用顥爲中書平章政事顥辭而止仁宗崩  
辭祿家居者十年文宗卽位復起爲集賢大學士上疏勸  
帝大興文治增國子學弟子員蠲儒生徭役皆嘉納焉顥

先後居集賢薦士累數百有訐之者顯曰吾寧以謬舉受  
罰蔽賢誠所不忍順帝元統初顯扈蹕行幸上都至龍虎  
臺帝命造膝前握其手曰卿累朝老臣更事多矣凡政事  
宜極言無隱顯頓首謝不敏後至元四年致政食全俸于  
家明年卒年七十六至正十四年贈摠誠秉義佐理功臣  
光祿大夫河南江北等處行中書省平章政事柱國追封  
薊國公謚文忠顯出入禁闈數十年樂談人善而惡聞人  
過大夫士因其薦拔以至顯列有終身莫知所自者是以  
結知人主上下無有怨尤次于敬伯至正中仕爲中書叅

知政事歷左右丞二十七年拜中書平章政事

周宏字希遷遷安人尹真定無極調遼陽寧昌俱有惠政  
至正間調昌黎撫字有方利澤及人平章程思中亂據永  
平宏率民拒守城陷被執宏七日不食罵不絕口而死

其見於各志及碑記者北魏有青州刺史韓秀昌黎公  
屈遵襄城公盧魯元尚書盧醜俱古昌黎人有文學韓  
麒麟亦昌黎人拜齊州刺史居官恭慎廉惠封燕郡公  
子顯宗甲科爲中書侍郎性剛直能面折廷諍隋有豆  
盧通亦昌黎人祖長父寧俱顯於魏通仕隋歷夏洪二

州總管弟勣渭州刺史封楚國公俱有惠政勣子毓以

發漢王諒逆謀遇害封正縣侯唐有李惠登古柳城人

隋州刺史政尚清靜李光弼亦柳城人中興功第一封

臨淮王昌黎又有慕容善行曾徵爲修文學士金有齊

陶其先弘政人徙居馬城官明威將軍以好義稱鮮于

仲權李杭俱樂亭進士以文學稱元有王統樂亭人子

仲仁仲仁子珪瓊珍珍子祥並有武功爲大帥姚樞柳

城人有王佐才世祖召至首陳治平大經凡內修外攘

之政咸任焉官至學士崔焜遷安人程思忠之亂有保

障功官至叅政楊紹先樂亭人官集賢學士齋經史千

八百卷藏于州學學正秦本記之子有道爲永平路經

歷以職田之餘隸州學學正張德記之程銳灤州人捐

資建沂河橋張勗昌黎人官至學士趙衍灤州人官至

司業並有文名齊泰樂亭人爲登封簿九載有政績葛

弘石城人舉賢良爲本縣令忠厚好施吉士寬灤州人

于大用孫巨昌世行其德累官贈其父爲河南郡侯皆

得附見焉

永平府志卷之十八終

永平府志卷之十九

萊陽宋琬遺次

宜興路 遊叅較

廣寧常文魁續補

人物中

人物乃一方標榜入郡乘者俾得景行先哲啓迪後  
進誠不可闕要尚論古人易而叙次今人難何也古  
人已有定評稽諸史冊其為賢與否俱鑿然無可異  
議但考其世而及焉則信為可徵也如今人不能親  
得于見聞者又或旁採于傳說蔡中郎為人作墓誌  
自稱惟于郭有道為無愧其他可知矣操汝南月旦

豈不難哉自漢至元前經萊陽宋公撰次無遺惟是  
明人懸帙未備予續貂誼不容辭固來守已四載雖  
極畱心咨訪却不敢以耳食之姓字溷干公論亦止  
搜輯舊乘原著者臚列用補闕畧其原所未載以及  
國朝碩望畱俟後賢再續知我罪我謹以質之

明習成盧龍人洪武中以材能擢用歷湖廣按察僉事

趙忠盧龍人永樂甲子舉人任御史改刑部郎中致仕以  
行誼爲鄉飲賓曾孫得佑三歲失恃長爲諸生遭隣人橫  
逆而讀書自如人服其雅量登嘉靖癸未進士甫三月授

陝西道御史巡按應天掌南京畿道嚴察蘇松等府案牘  
及糾劾輔臣君黨側目外轉貴州僉事未幾以邊材調遼  
東再調山西兵備分巡冀南道轉貴州畢節道陞山東叅  
議分守遼海東寧道陞陝西副使備兵肅州其在貴州却  
金而服蠻苗及撫哈密酒泉頌之陞陝西行太僕寺卿致  
仕歷任二十七年以清介終林居泊然宅第敞甚郡守紀  
公巡以罰鍰置瓦甍于城局將爲葺之得佑聞而艷然曰  
得佑薄宦時無敢取一介恐虐地方今顧累及桑梓邪壽  
七十三卒

邵儼廬龍人永樂癸卯舉人石州同知陞南京戶部郎中  
歷陝西右叅議文章政事鄉邦所稱子瑄歲貢知朝城以  
行誼著父子祀鄉賢曾孫鶴年嘉靖戊子舉人知岢嵐州  
謝政屢空有祖父之風云

李時其先鳳陽人御史二公謫爲廬龍民子從義以靖難  
功爲永平衛中所試百戶五世至凱凱生時父產悉讓諸  
兄獨養老母中成化丁酉舉人知岢嵐州八年廉平多惠  
政民俗因財退婚曲爲解諭完聚吏卒鰥者捐俸備禮以  
配之論財之俗爲變陞漢中府同知在任六年陞知平涼

府持守不渝忤逆瑾改思州府又誣以前任庫藏不明落  
職追問踰年乃白補思恩軍民府行至南寧中瘴癘卒于  
途時剛毅有治行所至吏民畏戴居鄉有厚德二子充濁  
充拙同中嘉靖乙酉舉人充濁字澄之丙戌登進士知葉  
縣收黃山巨寇民爲立生祠與楚葉公漢王喬爲三令祠  
擢爲禮科給事中屢上封事歷左右都六年陞浙江右叅  
政改補河南修築隘口自順德界抵山西延亘九百餘里  
陞陝西按察使辨宦室子弟五人積寃陞河南右布政轉  
左尋改貴州賑銅仁荒歛活萬餘人募民以備苗變罷歸

于城北營萬柳莊結故人爲飲社長子淪字伯通處世閎  
以謹儉稱由歲貢授郟城縣丞剡稱難治民流稅逋淪于  
荒田立官莊捐俸創廬舍三十餘區號爲俸餘官莊買牛  
給種招集逃民耕墾收穫足公稅及傭值外餘入義倉備  
賑公私稱便民亦復業銓部廉其賢擢知剡城未踰年辭  
官歸充拙字逸之知陳州俗刁豪猾戀公門恩文檄以擾  
害鄉民號爲掛搭羅織久莫能去下車訪首罪杖殺之餘  
衆悉逃散尋以母憂去補知南通州政平訟理卒于官充  
濁夫人張氏有壺範其女適撫寧舉人周良臣無嗣以繼

室撫先女與妾某氏相守三十餘年其女適盧龍衛指揮  
焦承勳年二十餘守遺腹孤皆足重其家世云  
楊潤盧龍人成化癸卯舉人華亭縣教諭陞知金州剛方  
廉介德政著聞

闕傑盧龍人嘉靖乙酉舉人任荊州推官以治行行取陞  
石州知州遂辭歸耿介自好足不履城市者二十餘年  
朱鑑字緝熙其先揚州海門人永樂二年遣富戶實北邊  
遂僑居盧龍之北鄉從遷者八戶因名其地曰八家寨始  
祖自名再傳至善生有即鑑父天性孝友坦直積粟三千



斛嘗貧嫻隣不取息鑑登弘治己未進士授刑部主事正  
德中劉瑾擅政舉朝獻媚者十之九鑑處之坦然正直不  
阿陞員外郎中出爲建寧知府居官嚴明果斷不受囑語  
郡人有神明之頌以母憂歸服闋補青州知府在任五載  
其治如建寧致政還家村居不事交結居左一小樓門前  
有井婦女非裙裳不敢至井汲水里中皆以禮自制嚴憚  
之如王彥方云子三伊廩生似早卒侶以貢爲肥城訓導  
年近七十手不釋卷經書歲一週覽通鑑子史無不徧涉  
子文運萬曆己丑進士任丹陽知縣勵精撫字政簡刑清

五年考績稱最遷南戶部主事至任六月奉差入都因歸  
省母卒于家子方九齡宦橐蕭然繼室李氏課子治家不  
墜子濟美廩生孝友篤行庚午之變遂謝功名凡三教六  
壬醫卜之書無不兼通

韓應庚字希白東勝左衛人世有隱德曾祖文富而好施  
祖誠益大其業嘉靖中歲屢歉先後貸鄉人粟至二萬石  
不責其償父廷義生而英敏通百家衆技嘗擒巨寇以靖  
一方封監察御史三子應庚其長也少勵清操登萬曆丁  
丑進士授彰德府推官其治務廉明寬厚下車取沈獄驗

問數日間決斷始盡受領新訟遣當直設竈公署前呼對簿者自炊未及餐而事已判矣平反寃獄無計入爲福建道御史出按甘肅值大祲不俟命即發倉粟以賑再按山東鋤強豪黜貪墨共出死囚二百六十餘人時年四十七即引疾歸日與親故徜徉山水間于城南二十里石磯上築石名曰釣臺以圖書花鳥自娛七徵不起從不干有司遇不平事輒爲代白聞者敬信昭雪罔敢後歲甲辰饑輸粟公府而施糜掩骼無虛日又鬻負郭田數百畝以贍郡邑兩庠貧士無不交口稱訟壽七十有四至今東輔推急

流勇退者皆稱西軒先生爲第一人子二原濬原洞原濬字發之居家以孝友聞弱冠遊太學以時事多隱憂遂告歸生平簡澹喜吟咏寡交遊時或正冠危坐人語以世法機事輒笑不解謂何無少長貴賤皆推誠心待之里閭敬爲天民原洞字開之少爲諸生詩文有奇氣當郊圉多故嘗慷慨悲歌慕占人以身殉國之義庚午身捍危城出金犒師知不可支乃爲忠國論一篇置懷中赴闕而死事聞祠祀後十五年原濬乃盡棄其田宅與其子鼎業避地之河朔林慮間復南渡河之鄢陵轉入嵩少山中十餘年而

卒畀業拔柩反葬于釣臺先生之墓側人謂韓氏其先有  
燕山竇氏之風御史有疏太傅之節次君有先軫之烈而  
長君有管寧之操無忝于盧龍世族云

韓應奎號東軒御史季弟爲童子時盥田之暇苦志讀書  
廿歲即登庚午榜五試南宮始謁選得華陰知縣有惠政  
至今華人頌之歷蓬萊樂安溫三縣皆以治績聞年未衰  
即歸田常以睦族濟人爲念絕不一干有司歲太凶施粥  
賑饑給裘禦寒邑人德之二子長原濟倜儻不羣仲原潔  
篤信秉禮並諸生濟子軋業潔子坤業庚午兵變長與仲  
偕亡仲妻王氏不避凶穢尋夫屍得之積骸中欲枕屍而  
死姑徐氏謂曰爾死置三歲孤何地王氏乃勉從逾兩月  
又生遺腹泰業苦節教成

韓原善字繼之別號鵬南父應箕字希臯御史之次弟也  
負文武才兼精騎射倜儻尚詎有古劍客風嘗出兩嬰孺  
于劇盜手凡疎族貧交待以舉火者恒數十人有負債貧  
者焚券不復索構宗祠修世墓繕義塾動費不貲無幾微  
恡色以明經入對大廷念陪次暮年直推遜之後膺貢竟  
不仕原善生而穎悟沉酣經史旁及青鳥黃石奇門遁甲

諸書靡不研究慨然有澄清天下之志登萬曆丁未進士授青浦知縣吳淞久塞震澤澱湖之水合流東下民苦昏墊爲請賑請蠲請平糶請設粥糜不遺餘力而躬行給散卒事無譁者他如裁公正均荒絕開津貼甦塘夫清漕兌無不懇惻周至邑人尸祝之調繁長洲爲吳郡首邑賦役甲天下又當水陸之衝治之獨遊刃有餘縣田一百二十二萬三千畝自初立官甲政在鄉紳詭計花分民戶坐困巡撫徐公請均之原善身任怨勞按畝科差增役田三萬一千四百七十頃精于造士是歲中鄉闈者十人五年考

最稱廉治窩訪觸忌僅遷戶部卽在縣時父嘗斥產貽之佐庶及轉戶曹父益喜爲能不瘠民以媚當道也旋丁外艱服闋補兵部東事方棘以不次推開元兵備拜命疏陳方畧八款又言召募有六難有四易疏入上遂俞發帑金七萬四千抵關門五十日募官兵一千六百餘名馬六百

神原潔  
授精原全傳原屬

兼程趨至廣寧先是全  
萬卸三犂牛地距遼六

百餘里水陸煩費原善冒雪行至海上經畫以登萊海蓋兩道累年會議不決者定泊蓋套歲節費數千金不匝月

諸書靡不研究慨然有澄清天下之志登萬曆丁未進士授青浦知縣吳淞久塞震澤澱湖之水合流東下民苦昏墊爲請賑請蠲請平糶請設粥糜不遺餘力而躬行給散卒事無譁者他如裁公正均荒絕開津貼甍塘夫清漕允無不懇惻周至邑人尸祝之調繁長洲爲吳郡首邑賦役甲天下又當水陸之衝治之獨遊刃有餘縣田一百二十二萬三千畝自初立官甲政在鄉紳詭計花分民戶坐困巡撫徐公請均之原善身任怨勞按畝科差增役田三萬一千四百七十頃精于造士是歲中鄉闈者十人五年考

最稱廉治窩訪觸忌僅遷戶部卽在縣時父嘗斥產貽之佐廉及轉戶曹父益喜爲能不瘠民以媚當道也旋丁外艱服闋補兵部東事方棘以不次推開元兵備拜命疏陳方畧八款又言召募有六難有四易疏入上遂俞發帑金七萬四千抵關門五十日募官兵一千六百餘名馬六百五十餘騎甫出關而開元報陷乃兼程趨至廣寧先是全遼軍需仰給海運萊津歲運二十萬卸三犂牛地距遼六百餘里水陸煩費原善冒雪行至海上經畫以登萊海蓋兩道累年會議不決者定泊蓋套歲節費數千金不匝月

而完糧二十二萬丁母艱歸累薦不起卒原善生平孝友性豪爽有遠畧周人之急有如其身所著詩文八卷奏疏二卷尺牘四卷六壬指掌二卷仲兄原性廩生有學行喜獎拔後進千里之內負笈從遊者甚衆庚午守榛子鎮不屈死長兄原道弟原德並以文學稱早世子廣業弘業程蓄德盧龍人剛正有執持以明經爲嵩縣訓導轉藁城教諭不責贄儀士敬憚之

劉景周字憲之盧龍人邑庠生有孝行性沉靜博研今古手著易義心解三卷併編族譜家訓刻儉約說數千言

王銳遷安人正統乙未進士由知縣歷官都御史任事有擔當不爲勢怵巡撫延綏值叛兵構亂銳率衆討平之叙功廕子世襲錦衣衛百戶

趙王遷安人正統甲子舉人初知山東高唐州在任九年著有治績陞漢中知府亦歷九年吏畏民懷政無不舉致仕家居十年平心率物鄉人推重焉

才寬遷安人登成化戊戌進士縣令歷郎署太守方伯都憲轉工部侍郎以不附閹瑾出爲陝西總制加工部尚書軍法甚嚴部將怯懦輒巾幘耻勵臨陣躬親督戰奮不顧

身遂遇害上爲輟朝哀悼諭祭贈太子少保謚襄愍仍廕  
子世襲錦衣衛百戶

王和遷安人登成化戊戌進士歷南北道御史論劾戶部  
尚書張鳳西廠太監汪直聲動朝野外轉山東海道副使  
巡海中瘴卒于官生平廉介剛正卒之日貧不能殮廉憲  
陳公璧贖以百金始得歸葬

李金遷安人登弘治癸丑進士任戶部郎中奉命勘貴戚  
田土不附權勢孝宗書其名于御屏陞德安知府賑荒汰  
冗民甚德之會有疑獄禱神示夢得其情歷官至山東憲  
副直道不容于時浩然解組歸杜門教子

王春撫寧人登弘治丙辰進士授翰林院檢討侍壽王講  
出邸遷春左長史日以善道開悟有所陳對必云尊天子  
守祖宗法度孝宗嘉之賜正四品服庚申改周府左長史  
王在幼冲啓迪如在壽邸將婚沐之巨室有賄謀爲元妃  
者春發其奸別選當嗣爵庶兄託內使行金錢于春謀奪  
嫡春正色叱之遂寢乙亥王以春輔導勤勞奏加三品服  
庚寅力求去嘉靖丙申卒

魯鐸撫寧人登弘治壬戌進士授岳州推官陞大理評事

會逆瑾擅權有黨繫獄鐸忤瑾竟抵罪謀中傷自分必死  
乃以他事謫河內縣丞瑾事敗轉沂水縣令陞刑部主事  
歷官至山東按察司分巡海道爲人多執法遼人服之  
翟鵬撫寧人登正德戊辰進士授戶部主事抽分河西務  
先至者徃徃以墨敗鵬至首革常例上不損國賦下深得  
商心遂見重于臺部轉員外郎出守衛輝府歷四年撫按  
以賢能薦者二十五疏舉卓異者三及入覲銓考天下第  
一時豫撫疏請改守開封蜀按疏保改守成都上竟從開  
封請鵬至開封遂有併包之語撫按交薦迺遷陝臬兵備

洮岷轉按察使尋擢僉都御史巡撫寧夏地方有籌邊錄  
行于時諸凡釐奸革弊之政載于寧夏誌及全陝誌可徵  
也會總兵誣排賴清議東還至嘉靖二十年敵寇山西邊  
鎮失利守臣連疏告急兵部尚書張瓚及府部會推鵬請  
以原職奉勅提督北直山東河南等處軍務鵬至寇平復  
命還京陞兵部右侍郎兼右僉都御史總督宣大偏保等  
處軍務至議預請兵糧以禦邊警不時之患疏上不報革  
圖籍亡何敵果深入復起鵬照前總督二十三年值犯邊  
督兵追剿斬獲甚衆捷聞晉秩兵部尚書兼都察院右副



都御使又設策生擒王三奪獲馬械華人拱手咸曰宣大數十年來僅有此捷也鵬天性慷慨有氣節多謀畧故所至成功他如挫逆瑾之黨卻白爵之金修已瘞之邊擒黠叛之首奇猷石畫見于禮部侍郎閔如霖墓誌銘者甚悉也贛直不阿觀其惟有寸丹懸帝闕更無尺素達權門之句可以知所養矣竟以此被逮卒于京至穆宗嗣位追論前功始復原官加卹典賜祭諭葬

王道中撫寧人登正德甲戌進士授安慶府推官太湖人多避差有一人至縣即令賠納蕩產傾家民苦最甚中親詣其地婉曲曉諭止令辦納已賦民甚稱便揚州知府孫某者爲御史張士隆劾奏賦私鉅萬朝廷遣給事中王俊民同御史陳傑會勘久之未決中一勘輒明時宸濠之變餘黨未盡當事者徃徃以平民誣作奸細收捕甚冤中查有賊仗旗幟止坐四人餘三百餘人盡釋之庚辰陞刑部主事嘉靖癸未轉員外郎甲辰陞鴻臚寺右卿旋轉左卿十二年侍經筵敬謹如一乙未改大理寺右卿乙亥陞順天府尹辛亥卒著有黃齋集

崔碧昌黎人登永樂辛丑進士官至御史持躬寒暑綽有

能聲

張文質昌黎人登正統壬戌進士謹厚有容言笑不苟官至禮部尚書加太子少保

祖述昌黎人授嘉定知縣公廉謹飭歷官福建右布政萬信昌黎人以明經任開封知府有異政詳皇明一統志杜謙昌黎人幼失恃事繼母甚謹不拂父意人以孝狀元稱之比長登景泰甲戌進士官至工部侍郎廉能經濟剔歷有聲父祖皆贈侍郎

周斌昌黎人登景泰辛未進士授御史劾忠國公石亨

恣不法調江陰知縣多惠政陞開封知府未幾轉陝西參政軍民遮道攀留白于提學副使劉昌記其遺愛官至湖廣布政

宋銘昌黎人成化乙酉舉人任通許知縣仁恕清廉士民愛戴子孫繩繩人咸謂循良所致

王翰昌黎人登正德甲戌進士授行人以直諫被譴卒贈御史諭祭有疏章存舊志

趙瑞昌黎人幼有才行于嘉靖壬午舉鄉試授河南伊陽知縣居官清介逸興飄然出塵俗負陶靖節操卒無遺金

不能殮人皆痛惜

馬鶴昌黎人以國學生授主簿性淳厚厭浮華清聲克著  
賈韶昌黎人以明經授瑞安主簿志行嚴謹六載卒于官  
民感德爲之立祠

齊鳴雷昌黎人父宗堯由明經爲河東運同鳴雷亦以明  
經任林縣知縣居鄉醇謹士林稱之

王翺字九臯灤州人登永樂乙未進士授翰林庶吉士已  
已改大理寺左寺正文改行人宣德初遷監察御史十年  
陞僉都御史巡撫江西正統七年提督遼東軍務法明令

嚴陞左都御史景泰三年加太子太保總督兩廣尋陞吏  
部尚書銓察信度天順八年加太子太傅卒年八十有四  
爲人剛方廉儉隨所任歷多追慕焉

劉永字致遠灤州人性嚴毅剛正以明經初令莘縣釐刈  
弊蠹英聲特達遷守泗州勲戚豪右畏其介直不敢干以  
私境內肅然

閻鶴字仲輔灤州人登景泰甲戌進士授監察御史巡按  
兩浙鋤權橫清鹽鑛風紀甚嚴人以閻羅目之謫廣西平  
南主簿陞山東諸城知縣操履一致卒于官著有直菴集

郝隆字景昌灤州人登成化壬辰進士幼穎悟善記初官大理評事歷左寺副右寺正陞金華知府政寬民悅修通濟橋立有碑在任九年致政歸進階亞中大夫

謝綱字廷憲灤州人登成化壬辰進士素以孝友稱任上虞知縣蒞政慈祥明決有質者一判兩服卒于官民皆望柩而哭

高璉字潤之灤州人登成化戊戌進士性方嚴謙退篤孝友耽墳典試南宮不第進太學聞見閎肆及登第尹臨邑勤政廣積值歲大祲民多濟活暇即試士請業門下者多

登仕籍馬三載政成遂罹疾卒時囊無數金幾不能殮三田增字大年灤州人性聰敏剛直嗜學寒暑不倦以詩經中成化庚子鄉試尹鳳翔禁奸除暴任六年告歸年八十卒

余璘字廷潤灤州人登成化辛丑進士力學甘貧登第時年六十一授行人陞南京員外郎卒于官

王用字尚賓灤州人性聰敏成化丙午舉人始仕桃源令以內艱歸補任西平釐革冗費凡不便于民者極力去之兩邑至今稱賢

安民字修巳灤州人弘治己酉舉人授兵部司務歷戶部  
郎中清慎練達嚮用未衰乃引疾乞休加正四品服色歸  
初父和尹大同客寢民幼扶襯還事母周氏曲盡懽愉母  
終築廬于村慟毀三年未嘗近帷室鄉人稱孝焉

高謙字天益灤州人登弘治癸丑進士性剛直不苟父早  
卒力本勤學事母不曠定省撫弟詳甚友愛初拜丹陽令  
迎母許氏偕往竭力承事務得懽顏邑庠隘乃拓學基崇  
殿庶講授經術又建津梁創倉宇議賑貸百度維新士人  
勒碑頌之陞青州同知轉刑部郎中操履清介陞平涼知  
府未幾調鞏昌逾月而卒大志未遂惜哉

許莊字德徵灤州人登弘治癸丑進士初尹臨汾內艱服  
闋復尹寶雞俱有聲遷平陽同知民有廉幹之頌陞山東  
僉事轉陝西叅議爲人卓犖博學喜者述有康衢文集梅  
花百詠心鑑警語諸作

任惠字濟民灤州人登弘治丙辰進士授行人兩使周藩  
考績有聲遷南京吏科給事中以彈劾太監高鳳革爲民  
後詔旌忠諫

王輔字良佐灤州人登弘治己未進士授行人兩使封藩

陞南京監察御史遷河南副使時逆瑾向所司索天鵝絨布千疋無則折價各府歛解八萬兩輔曰此民膏血我甘鬲鑊不可從發回給民瑾因假會審鄧丙事謫輔陽城知縣遷戶部主事歷員外郎中復陞河南副使以疾乞休鄉人稱爲長者

王庚字文祥灤州人登嘉靖癸未進士天資純篤寡言笑深易學後進多出其門三爲縣令有庶聲歷遷丘科都給事中慷慨敢言陞山西叅政按察使陝西右布政卒于官王鎬字宗周灤州人登嘉靖己丑進士擢御史時張桂以

言禮柄用鎬獨正色不阿歷都御史撫寧夏屢奏邊功以忤時乞歸

高擢字士元灤州人登嘉靖己丑進士由博士陞禮科給事中建言侃侃得名諫議體歷副都御史風裁獨凜奉命提督操江苞苴絕跡晚鑿偏涼汀歸隱年九十卒

厲汝進灤州人登嘉靖戊戌進士授池州推官行取歷戶科都給事中劾柄相嚴嵩廷杖八十降典史穆宗踐祚錄其忠直

郝宗啓字文卿灤州人隆孫嘉靖丙午舉人授博平知縣

陞澤州知州學問深邃事親至孝居鄉勵行泣政有聲  
陳情字子孝灤州人嘉靖丙午舉人天性孝友見事明決  
隆慶元年令孝義有捍禦保城功迨令長葛宿松並著廉  
明且焚紅蓮七祖二百年肉身大得韓退之遺意慮州城  
武備單弱造大砲十二位神鎗二百桿防守著有五行奕  
數書行于世

高第字登之灤州人登萬曆己丑進士初令臨穎徵賦不  
折封即以原櫃解府力絕耗羨歲大歉賑粥療醫活數萬  
人轉戶曹榷濟墅關舊例支河設繩防貨舟闌出第曰但

鑱正關衣帶水足矣何淵察爲一切報罷陞大同守捐俸  
贖補宗祿三千金歷楚秦藩臬擢御史中丞巡撫大同費  
索七千金助給撫賞尋陞兵部尚書時魏崔黨熾璫以提  
督郭欽求加都督同知叅將梁甫求陞總兵矯中旨特授  
第皆不應楊左被逮榜掠甚慘第經筵力陳黨錮宜釋忠  
賢怒嗾熹宗召對切責之會寧遠警遂出第經畧薊遼拜  
命隨檄道鎮堅壁清野固守而崔呈秀銜前恨劾第不發  
兵爲怯勒令閉住崇禎初年詔復原官因己巳郡城陷復  
謫居無棣己卯放還歸里建白雲樓爲東山之墅平生湛

于理學所著有太極良知等說撫雲疏稿籟真等集享年  
八十二

石維嶽字五峯灤州人登萬曆庚戌進士由中牟令陞刑  
部主事時魏璫焰烈戚畹李承恩下獄法司希魏意擬辟  
嶽杭言曰殺人媚人當何律出守懷慶建告帝堂凡晝行  
事錄卷焚之遷長沙副使岷王妃秦王被弒狀下兩臺訊  
嶽廉實如妃言請治逆狀奸閹傾宮金賄當事開豁上遣  
都尉大臣始鞫實逮撫按以下嶽受株累謫戍妃特疏昭  
雪嶽終不自明年七十餘卒

李樂樂亭人洪武中貢入太學永樂間拜監察御史有激  
揚聲遷山東按察司副使卒後有行部者至詢樂得其子  
茂貧甚稍俸助之俾就塾則其品望可見矣子茂正統間  
貢仕至高郵知州茂子珏成化間貢任州判官

宋弘道樂亭人少值元季隱居不仕講授經學于鄉家業  
泊如入明開科遂登洪武乙丑進士拜監察御史有聲尋  
遷河南左叅政以衰老乞歸琴書衣裝惟一輓輅而已後  
起左僉都御史未就年七十餘卒于家

溫原樂亭人洪武中薦辟入仕歷職勤能官至都察院左



僉都御史有聲載一統志

史怡樂亭人貢士永樂初遼東軍亂入關怡守城有功授戶部郎中歷江西左叅政

張泰樂亭人貢士景泰間授知桐鄉是時桐鄉新闢諸所未備泰至三載始有秋乃措置建樹六事修舉民不告勞俗多水火葬泰禁之購地置義塚他如闢險塞覈蕪并招商賈皆可紀焉九年浚有成績陞開封通判

牛本樂亭人景泰丙子舉人授九江同知素性謙恭莅官廉慎有惠政九年將代郡人赴部保留即擢本府知府

李霖樂亭人性警敏領鄉薦授柘城令考績贈父昇如其

官尋陞衢州通判義方訓諸子復以子貴封主事伯子宗

夏弘治乙卯舉人任邠州學正仲子宗裔登弘治庚戌進

士字尚質性沉静寡言笑嗜學授戶部主事歷員外郎中

陞陝西行太僕寺少卿有操守謫兩淮運同執持不變以

休致歸李子宗儒勤勵好學伯仲相繼科第儒醇謹誠慈

溫恭抑抑畧無矜炫色貢入太學授林縣丞亡何棲遲丘

壑益褫躬睦里爲鄉邑望者幾四十年嘉靖間扁其名于

旌善亭年九十七卒

盧敬其先山陽人徙定州元時又徙樂亭高祖和甫致和  
間聞于鄉父斌生敬嗜學領鄉薦授兵部司務侃侃不阿  
冰操凜著五載考最進階嘗語其子梁棊輩曰世有營利  
者爲子孫計耳竟何益吾厄一第子孫必有第者若曹勉  
之丁外艱卒家業蕭然仲子梁歲貢不仕以子貴封右叅  
議梁長子耿麒字仁淑年十三入庠過目成誦弱冠登嘉  
靖癸未進士授工部虞衡司主事歷員外郎陞陝西僉事  
屯田甘肅給戍牛種丁內艱起補江西僉事洗數沉寃陞  
山西叅議比駐雲中當外叛甫平恩威並著即強藩亦歛

鄉薦嘗試南宮父卒痛爲肖像及令陳畱蠲逋修學擢刺  
澤州佐歸德在在卓多善政及補太原弭盜祥刑請治宗  
室驕橫檄撫石州爲畫戰守之策歷陞戶部郎中督餉昌  
平時內使往來能正色戢之陞楚雄知府乞休歸著有遊  
藝集仲子好問生有異兆弱冠抱當世志舉于鄉即卻餽  
金登嘉靖庚戌進士授太常博士時分宜當權迺泊然自  
守久之方擢御史即劾巨璫不法嘉靖末出按秦晉上興  
革便宜數事却諸祥瑞不以聞穆宗御極益多獻替而重  
孝思止行幸查內庫諸疏并劾近侍謀典兵柄尤極剴切

遷大理丞歷通政使晉工部侍郎改刑戶二部擢南京右都御史拜南京戶部尚書憂時思職無一少替南中米涌貴例當改折間遽發倉粟而後以聞詔賑江南不待移文發賑曰柰何稽朝廷意以忍饑民有古大臣風先是爲卿貳時即抗疏求退至是章屢上始得優允歸數月卒賜祭諭葬贈太子少保天性恬靜自奉澹泊立朝度恭動由矩矱謙抑折節若不勝衣而內實毅然不可奪鄉誼族範遐邇共孚所著春煦軒集三十六卷好問子渾然事親極孝閉戶讀書中辛卯乙榜授中府都事歷刑部郎中時南康守吳寶因稅璫李道誣奏被逮然問擬還職上怒罰俸三月南康得以從輕徼生光妖言事東省無行老生流言被中有聞者然恐蔓延無辜解發山東樞按鞫問保全大族甚夥陞馬湖知府革漆戶板稅修學繕城奢酋爭殺片言力解總督王象乾題權遵義兵備副使下議時疏請骸骨歸著蜀遊草尋卒窮約至甚十年後夙債始完

蕭雲漢樂亭人父富少孤事母孝母卒富供王事不在側歸而痛極嘔血終身言及淚泫泫下仲兄積私財獨泊然絕不置齒頰竟以祖居讓伯仲而自居他所嘗爲府吏庶

而有陰德既歸者即隱不仕嘉靖丁酉大饑鄉人求貸仍  
轉貸負累代償撫孤睦族重義輕利類此始艱嗣後連舉  
四子長即雲漢博學工古文詞貢遊太學授大同通判累  
薦考最陞河東運同致仕歸贈父如其官

李勝永平衛人登景泰辛未進士授御史陞河南按察僉  
事發摘如神訟無冤滯

楊祥永平衛人登成化丙戌進士授宜興知縣陞戶部主  
事歷山西僉事清慎無玷

張廷綱字朝振永平衛人登成化壬辰進士授行人賜一

品服使安南回大監汪直執送西廠獄未幾廠革直散去  
罷歸纂府志

王珣字汝溫永平衛人登弘治己未進士授兵科給事中  
督工泰陵中使董役者剝削軍士伐近陵山木代薪以規  
利劾之伏辜陞工科左給事中徽州有豪族爭訟數年不  
決命勘遂得情改御史覈應天諸郡公藏知府某不職懼  
得罪密以金愧即發其贓私罷之陞刑科都給事中武宗  
鋪宮奏省費數千金以濟邊餉陞順天府丞歲荒餓殍載  
途竭力賑活甚衆陞都察院左僉都御史提督雁門等關

無巡撫山西裁宗室驕橫以法權要規鹽利者峻拒之闔境肅然會猷分路入寇督兵禦之寧武關將吏以逗留失利劾其罪桀繫京師因自劾并三邊撫臣俱左遷尋降浙江左叅議豪民有匿租數十載躬履畝得數百頃爲公稅孝豐有作亂者遂近騷然衆議調兵勦之請先往至即解散陞河南右叅政分守南陽捕浙川礦賊乃別脅從若干值盛寒多凍餒死悉活以粥遺之陞左僉都御史巡撫山東擇有司布各郡審編戶則以均徭役王師討逆濠道經齊魯籌芻糧供億兵皆無敢犯者及六飛南幸有司預集

辛巳進士知潁上賑饑活數萬人陞御史視通州倉革中官監收弊按宣大劾鎮將科歛及殺降冒功山西巡撫與衆議以小嫵爭忿劾而罷之嘉靖庚寅鎮守建昌太監缺疏請裁革遂更遊擊將軍至今稱便出按山東巡撫邵錫清德藩軍校詭冒不從毆府卒乃劾其長史承奉官爲所中錫罷待罪出自顯知汝寧府二載持法不撓罷歸居家二十四年日與故人徜徉東郭蓮池芝壟間有拾燼集放言集憫遺集從侄際可進士獻可舉人不急仕進三十餘年銓知即墨旋垂橐歸亦里中高士云

陳王庭字心龍廬龍衛人登萬曆丁未進士歷太僕寺卿  
寬厚清謹天啓中矢貞不附魏璫先嘗巡按遼東得將士  
心遼失收養全活甚多庚午城陷王庭服董幾死復甦爲  
黃冠後大帥如祖大壽張存仁吳襄輩皆伏拜牀下報德  
恐後事平論者議其不死逮獄絕粒而殞耿耿之忠堪質  
神明論之者亦刻矣

張詩字子言別號崑崙山人廬龍衛民李氏子十歲避僉  
丁隨父母逃京師衡州同知張君抱以爲子張歿後訪廬  
龍得諸從兄弟哭諸祖父墓衡州卒之嗣仍子之學文于

置之法鋤虢植良百姓德之無何挂冠世高其恬退處鄉  
恂恂課三子寒暑弗輟長珩季璞皆廩生仲瑜登萬曆乙  
未進士選庶吉士歷刑部尚書孫養粹登甲辰進士歷兵  
備叅政

卜昌運字泰寰東勝衛人文行卓犖豐潤董氏延爲師彼  
族惡少獲董夜持乞援昌運力卻解之董御僕嚴一奴負  
愆懼責以銚刀自斷其首奴家訟金吾戚友皆避去昌運  
走京師力爲昭雪友人韓鼎業邁家難漁利者啓釁不已  
昌運挽鼎業哭韓氏家廟中曰吾不意子豪傑自命竟爾

爾耶韓謝兄弟和好如初乙酉貢除南宮訓遷東光諭群盜卒犯城昌運家僮登陴奮呼隸卒礮擊渠魁城賴以全擢知江都縣卒于官

白瑜東勝衛人少英敏博學善詞賦登第改庶吉士除刑科給事中上疏請革煤稅降湖廣按察司照磨起歷通政使刑部左侍郎居鄉和雅卒贈刑部尚書

蕭顯字文明別號海鈞山海衛人登成化壬辰進士授兵科給事中有武臣連中貴張大邊功希重賞顯批奏尾駁之直聲振一時會巫矯邪神煽惑復抗章劾之並請禁私

創庵觀言極剴切留中不報一旦召至左順門命中官面詰顯氣定語暢應對了了乃諭遣之又數日巫逐矣權倖愈疾顯居省中八年外遷鎮寧同知命下顯方對客作草書手閱報付其子趣治裝仍終數紙乃罷泣鎮寧八年復遷衢州同知又三年擢福建僉事所至皆盡心職業無厭薄意隨賚萬壽表入賀時刑部尚書白昂欲有所薦戚友亦樂爲之援不復顧戀竟乞休歸顯性醇篤不忘言笑尚義氣久而弗渝所著有海鈞集鎮寧行稿其書法沉着頓挫傳播朝鮮珍重之

鄭巳字克修山海衛人天性穎敏成童充邑弟子員屬儷  
句輒驚人其甚窘克意向學寒夜燃薪誦書達旦用是博  
極羣書登成化丙戌進士選庶吉士時劉文安公典教習  
每閱巳文嘆曰山海乃有此子改監察御史會廷推撫臣  
弗當抗章論之又累疏指摘輔臣及中貴由此人多忌巳  
者巡按陝西值甘涼災沴邊境驛騷乃上匡時圖治等疏  
得舉賑濟飭邊備時有勲貴親弟怙勢凌下監司莫敢問  
捕而杖之幾死竟被累謫戍宣府其鎮總戎雅敬巳館諸  
佛宮士人受學者日衆有黠卒怨總戎誣以不道事累巳  
繫闕下上白其誣放歸孝宗踐祚詔復其官巳亮節有氣  
嫉惡如仇家居時談世事不平者輒攘臂憤惋至面詰人  
罔避以是弗亨于官云

詹榮字仁甫角山其別號也山海衛人性敏學瞻登嘉靖  
丙戌進士授戶部主事奉差權稅轉郎中督大同餉會癸  
巳軍叛殺主帥李瑾閉城抗師不下榮與武臣軟血計誅  
元惡不成期以闔門報國謀既定遂穴地達軍門報可乃  
示順逆激勸賊黨馬昇等擒首惡出獻事遂定班師侍郎  
黃綰御史蘓祐合疏聞于朝上褒嘉擢光祿少卿支從四



品俸嗣歷璽卿太常卿轉僉都御史巡撫甘肅時大同總兵官周尚文與撫臣左廟議惟榮足以服之乃調撫大同榮與尚文處甚得其死力屢功進右副都御史居二年宗室光灼等通逆榮慮得其實先機發之械送京師隨遷兵部右侍郎邊工竣進俸一級值雲中警榮率將堵截退敵召還本兵左侍郎會尚書缺擬推榮適中風輿疾歸未數月卒榮爲人忠信不欺沉毅有謀信賞必罰人爭効用萬曆己酉孫廷赴闕請卹賜祭葬贈工部尚書

劉復禮字曰仁號任齋山海衛人嘉靖壬子舉人坦易謹

飭宰長子縣刺渾源州遷冬官郎守保寧郡歷有異政同卿寧夏預知字拜反默爲防備尋丁艱致政歸依居舊廬泊如也幼以孝聞暮年與季弟同爨每舉箸必呼弟他往必輟不食季弟有子口授而教之亦成明經里人有修葺者質成譬曉之皆愧服

劉思誠字性之號定宇山海衛人萬曆癸酉舉人英資卓識廉直公平領鄉薦十餘年毫無請託筮仕平原審編徵賦設法神速隣邑皆效法之救荒能預理訟稱平豐宮後有溪壑數科荒落特爲築建五桂祠月課子衿于中伏臘

不輟以是蜚英振起貧生婚葬不舉者捐橐助之招撫流  
遺蓋官房百餘間于郊外創立集市墾田十餘頃藉以爲  
生方春躬行勸農力舉實政遷濟南同知署篆年餘吏請  
盤庫思誠斥之其支領俸工俱以原封出給不除其耗有  
鹽商犯科以髡貯銀二千兩冒託餽酒當堂碎髡解入府  
庫竟無赦當道議派民徭思誠勃然色變議遂寢終以忤  
貴拂衣歸思誠事母孝飯必侍側舊產盡讓弟饒有孝友  
風

蕭大讓字民服號益齋山海衛人質樸守清屢空微不介  
意遊成均時嘗拾遺金待還其人後領嘉靖壬子鄉薦公  
懷仁泰安皆耻結納專意實政士民懷其撫字而當道恚  
其無餽遺竟恥忤罷歸行李蕭然至不能充食指處之自  
如年八十有一卒世謂廳事容旋馬薄田供饘粥恒堪後  
爲美談如大讓自海釣歷宦三世草舍僅可旋蝸瘠田尤  
不充爨者顧不愈稱難耶

馮時泰字虞廷山海衛人幼敏學寒暑不輟登萬曆庚辰  
進士授工部郎中嘗節慎庫自能握筭覈積弊著聲曹署  
陞遼東廣寧叅議守正不阿米蘖矢操築造臺堡大定老

軍凡數十處無不竭盡心力邊警帥不用命失事時泰奉  
勦畧纖隱致忤當事坐譴或以苞直請時泰徐應曰吾泣  
官惟清慎二字可揭天日况君父之事烏容規避絕不爲  
辭尋被逮遼民無不稱冤欲詣闕號鳴總督顧養謙止之  
乃極爲辯雪有并褫臣職以辨其有功無罪等語具載疏  
中趙相志臯張相位石司馬星皆交章激切力諍竟不白  
時泰嘗自嘆曰由來直道忤當權過貶潮陽路八千一掬  
忠肝天所鑒幾回血淚洒蠻煙亡何抱鬱終

劉廷宣字化卿號方壺晚號木庵山海衛人登萬曆癸丑

進士丰神清穎廉直謹飭筮仕儀封勵學校恤鰥寡課農  
桑勸孝弟河汜淪治之獲名田幾萬畝民賴以蘇徵賦絕  
耗羨訟俱自拘不判贖設保甲法萑苻克靖革一切無名  
科派省民襁不下巨萬擢浙江道御史彈章不避中貴劾  
魏忠賢蠹國十四款章由通政霍惟華與有年誼對使焚  
云何爲起此大釁廷宣不先揚左而推虎喙者幾希耳巡  
按陝西未復命轉爲大理丞假歸未半載尋因母老請終  
養以大理寺少卿歸甲戌六月病卒

詹廷字忠卿號紹山山海衛人尚書榮之孫由諸生補廕

筮南通政慕以吏才著陞順天別駕庶能有聲陞南比部  
主事遷本部郎中陞廣南太守時奢酋叛滇南一帶搖動  
廷赴任被圍賊脅降至再誓以全家殉賊揣廷志不奪少  
縱閱月得乘間出遂達省備陳賊形及守禦之策捐俸以  
助軍需二載多善政除蠹愛民寬猛適濟奏臬之日輿疾  
歸廣南士民爭負土祠祀

明周建撫寧衛指揮僉事成化十六年管界嶺駐操營遇  
敵入寇叅將王宣督令截殺至白石店追回被掠人畜燒  
敵車輛回至椴木嶺伏賊突出前賊復反夾攻勢遂不支  
有一賊欲取建衣甲喝令脫不從尤以刀傷賊臂群怒爭  
刃之事聞詔加實授指揮同知世襲已見武勳

陳舜撫寧衛指揮使任黃花鎮守備嘉靖二十五年三月  
內敵入寇舜奮身率輕騎持短兵截戰敵衆我寡死之事  
聞詔加都指揮僉事

馮餘慶灤州人明經授西華令一塵不染捐貲千金建長

橋于治郭利涉歸施義田用濟貧族以孫貴贈岡卿

劉會灤州人于嘉靖十六年輸粟一千石賑饑

高玉灤州人貧頗富于嘉靖二十五年施義田弁糧二千石周貧乏

陳慎灤州人孝義令陳情弟事母至孝營漏澤園共施地六畝于府君廟東北半里許

王永昌樂亭人家富好施能周人急鄉人稱貸有以田廬爲質多負而私轉鬻冒不與競又嘗捐地爲義塚其輸粟輸金輸工役以佐公家者不勝紀

李光啓樂亭人其先李卜當洪武間戍陝西平魯衛後有

功陞百戶世襲光啓性忠孝有才幹累陞京營都指揮使

贈其先爲鎮國將軍來祭其塋爲樹碑給族人衣陞宣鎮

高峪參將嘉靖丙戌敵數突入侵苦居人啓憤罵一日警

至率所部兵疾馳圖殲之未及爲陣敵四至大呼殺入啓

被縛引去困餓不得死因給敵曰我爲帥弟引我亭障下

當有贖者敵果引至亭障下啓罵曰爾宜殺我我非不肯

死慮中國人疑我真降爾徒負辱國大罪幸毋贖我敵大

怒亦罵遂支解之事聞詔立祠春秋祀焉見宣鎮忠烈傳

張世忠字顯甫別號千山山海衛副千戶忠貌不逾中人而神爽英發總髮時以世胄育膠庠隨襲職會武試登孫堪榜加授署指揮僉事尋掌衛篆遷秩守備天壽山歷陞大同中路叅將嚴整步伍矢立戰功調援有奇捷得實授正千戶緣邊事室誤聽勘回籍未幾西陲告急本兵疏名上請特命移守偏頭關頻年失利人爲忠危之忠躍然曰此吾報國之秋也嘉靖二十一年太原警患與諸將分五哨進軟盟互援適遇敵于六支村忠麾下健卒僅千人挺身血戰自己至西矢石俱盡後援不至敵且增輕騎合圍

射忠中額尋殪其馬忠猶跨墻對射矢透忠衣袖死之事聞賜祭葬贈右都督謚忠愍

薛三桂盧龍人萬曆庚子舉人雲南永寧州知州遭奢酋之變死難贈按察司僉事

高如嵩東勝衛千戶萬曆中任石門路千總時泰寧寇花場峪佯令數騎誘戰士將輕出敵伏起一軍覆沒將竄山巔林莽間嵩奮殺出圍力鬪出入陣中者三敵橫射落馬剖其心而死事聞贈二級世襲指揮同知

李國梁山海衛指揮體貌豐偉膂力絕倫從杜將軍松渾

河大戰沒于陣以功加陞都指揮僉事

遷萬里山海衛百戶以都司官中軍事崇禎己巳入衛京師行至薊州五里橋敵兵掩至橋橋大戰自未至酉身被重圍力戰死

廖汝欽字寅所中書舍人楊爾俊汝寧通判焦延慶三屯副總兵張國翰東勝左衛指揮僉事以及城守中軍房應祥忠武營千總牛星耀仇耀光城守千總卜小峯梁壯威胡承祚張學閔石可玩生員韓原洞馮繼京弟聯京周祚新羅世傑並弟竣埭圻胡登龍並子光奎田種王子福元

任士雋李光春丁應掄李文燦胡起鴻劉可廷武生張鴻鸞醫官陸橋郡民李應陽張俊郭重光張宗仁張禮李大敬張尚義傅守望俱庚午死難詳載盧龍縣志勅祀表忠祠

呂鳴雲山海衛人乃孝廉鳴其才弟武建材勇以守備爲揚武營中軍庚午守郡城戰死追贈遊擊將軍

楊開泰山海衛百戶郡城失守泰以本路把總率兵偵探至榆關西遇敵對射死之

楊廷棟山海衛百戶少以勇力稱爲揚武營千總郡城破

奮擊死之

蔡國勳山海衛千戶率兵恢復遵化偵探遇敵奮勇直前戰歿于陣閣部孫承宗題卹贈指揮僉事

嚴大寬山海衛千戶從總兵趙率教應援遵化中途遇敵眾潰大寬力戰不退死之

楊呈芳字桂林山海衛人由明經授魯山令居官平易時土寇蜂起與衙胥結通芳知事不克濟冠帶坐堂上賊環侍不忍加害出入數次始戕之爲其棺殮後其弟往收其屍經年啓視面貌如生事聞贈汝州知州

墓三年

朱國賢宋德詔蕭大用俱廬龍人各以廬墓奉旌

楊珍撫寧人克供子職母蚤逝事父惟謹侍食侍寢無怠內外咸以孝子呼之父疾篤醫藥罔效口嘗其便泄以味甘苦知不能起遂治後事如禮父卒及葬廬于墓側負土築墳三年乃歸

金鏞撫寧庠生父禱蚤逝母高氏守制撫孤凜松栢操鏞性孝負米採薪勤于供養母恙即憂見于色焚香祝天願以身代進食必先嘗其寒熱雖貧嘗奮志讀書由恩選官



光祿寺署正乞歸終養母節子孝萃于一門

楊有成撫寧庠生八歲喪父已知哀毀及母有疾湯藥親奉卒之日漿水不忍入口及葬廬墓側茹蔬毀鬻土築墳日三哭奠曆寒暑不輟即邊警亦不少動舊有枯松復活禽鳥棲巢于上相依人皆謂爲純孝所致

袁卉撫寧人素敦孝行母蚤逝及父歿廬于墓側三年蛇馴蓐次地忽湧泉足徵孝感

侯顯昌黎人國學生尚氣節敦朴素父母雙亡俱廬墓側鳩巢于舍芝生于塚

孫渤昌黎人幼喪父事母昆孝母死廬墓哀毀如禮

王克勤灤州庠生事繼母以孝聞萬曆十三年學按兩臺會獎

田紳樂亭人庠生景泰初以親老陳情于督學使者求侍養父歿哀毀踰禮既葬自跣足負土母終亦如之有司請旌未果百年來封土巋然可望數里

馮恩孚樂亭人歲貢事親稱孝曲爲承順有老萊風父飲親故家雖隆冬深夜必俟父還然後寢母性嚴刻孚畧不違意待人謙和無忤未仕卒

張自鎬樂亭人歲貢素謹厚事親最孝母多任性鎬每幾諫久亦感悟邑宰陳畱李公廉其賢延訓其子毫無請託齋志以歿鄉人悼焉

張雲鵬山海衛人父病夜不假寐湯藥親嘗父歿敦古禮廬墓三年

趙文舉山海衛人幼極孝母患疽痛不可忍醫皆云不治舉祝天願代日自所居三步一拜至神廟焚香祈禱家甚窘奉母即富者不過云

蕭韶鳳山海衛人年十九父病盡迎醫視之曰得樟柳木

浮屠人化成俗

王克勤灤州庠生事繼母一如所生

金葛弘灤州梅二里人金末歲饑竭力贍卹全活數百人辟為石城縣尹

元任伯仁灤州人南麓六世孫讓產于弟伯義伯禮孝友出至性元貞中授銀符進義副尉武衛親軍百夫長

明劉甫樂亭人自明初至弘治間六世同居凡內外婚葬禮儀必均俱無後言己未巡按御史張黼嘉其賢命知縣田登旌異

高漢樂亭人六世同居嘉靖十六年知府劉隅獎之

蔡允成盧龍庠生年四十喪妻不娶秉性孤直好學力善年九十餘精健異常子天禎庠生體父志亦未娶授徒養親躬爲執爨四十餘年

馮恩昌黎人由都吏任州同律已廉明多惠政娶里人女郭氏自幼目相敬如賓鄉里賢之

溫欽樂亭人質朴篤實居平尚讓絕不與人競亦絕無過忒非遇審編戶徭不至公府既老亦罕至城市惟耕田明農而已貧而樂善卓有古人風年百有二歲猶耘踰年卒

嘉靖間扁其名于旌善亭勸俗

馬麟呂信併盧龍人景泰間值水旱歲饑各輸粟八百石助賑

許敬撫寧人景泰三年大饑出粟八百石賑濟

高信興才震俱昌黎人景泰三年各出粟八百石賑濟

姚清徐俊石敬俱樂亭人景泰中各輸粟八百石賑濟

吳思文灤州人輸粟救荒成化五年詔賜七品散官

王信撫寧衛人進士王胤祥之祖也成化七年大饑出粟八百石賑濟

李福灤州人于成化七年爲義葬凡貧不能葬者舉之  
徐禮灤州人于成化十年施衣隆冬見無衣者輒施每歲  
行之不倦



